

中國醫學約編第七種婦科約編目錄

緒言

第一章 生理

第一節 生殖器之生理

第二節 乳部之生理

第三節 月經之生理

第四節 胎孕之生理

第五節 月經崩漏之病理

第六節 月經停閉之病理

第七節 月經兼病之病理

第八節 赤白帶下之病理

第九節 婦女白淫之病理

第十節 婦女白濁之病理

第十一節 婦女癥瘕之病理

第十二節 婦人臟躁之病理

第十三節 婦女咽膈之病理

第十四節 婦人轉胞之病理

第十五節 婦女陰病之病理

第二章 病理

第一節 月經不調之病理

第二節 月經變色之病理

第三節 月經臭穢之病理

第四節 月經異量之病理

中國醫學約編十種目錄

第二章 診斷

- 第一節 月經不調診斷法
- 第二節 月經色素診斷法
- 第三節 月經臭穢診斷法
- 第四節 月經異量診斷法
- 第五節 月經崩漏診斷法
- 第六節 月經停閉診斷法
- 第七節 月經兼病診斷法
- 第八節 赤白帶下診斷法
- 第九節 婦女白淫診斷法
- 第十節 婦人白濁診斷法
- 第十一節 婦女癥瘕診斷法
- 第十二節 婦人臑蹠診斷法

- 第十三節 婦女咽嚥診斷法
- 第十四節 婦女轉胞診斷法
- 第十五節 婦女陰病診斷法

第四章 治療

- 第一節 經期不調治療法
- 第二節 經水閉塞治療法
- 第三節 月經崩漏治療法
- 第四節 婦女帶下治療法
- 第五節 婦人胎妊治療法
- 第六節 婦人產乳治療法

第五章 方按

- 第一節 經期不調方按

- (一) 四物湯方
- (二) 八珍湯方
- (三) 邵氏溫經湯方
- (四) 加減四物湯方
- (五) 參香八珍湯方
- (六) 大延胡散方
- (七) 青附金丹方
- (八) 當歸生薑羊肉湯方
- (九) 伏龍肝散方
- (一〇) 調營湯方
- (一一) 天仙籐散方
- (一二) 犀角地黄湯方
- (一三) 吳氏桃仁承氣湯方
- (一四) 丹梔逍遙散方

- (一五) 加減小柴胡湯方
 - (一六) 白虎加生地黃湯方
 - (一七) 羚羊清營湯方
 - (一八) 四逆散合白薇湯方
 - (一九) 牛黃散方
 - (二〇) 加味大柴胡湯方
 - (二一) 桂枝紅花湯方
 - (二二) 新加絳覆湯方
 - (二三) 小柴胡湯方
- 第三節 經血閉塞方按
- (二四) 加減滋營養液膏方
 - (二五) 二六時中酒方
 - (二六) 越鞠丸方
 - (二七) 七氣湯方

(二八) 一貫煎方

(二九) 加味蒼莎導痰丸方

(三〇) 白虎加人參湯方

(三一) 加味紅花富歸散方

(三二) 玉燭散方

(三三) 大黃廕蟲丸方

(三四) 加味分清氣飲方

第二節 經血崩漏方按

(三五) 獨參湯方

(三六) 柳洲續命止崩湯方

(三七) 加味續命止崩湯方

(三八) 加味歸脾湯方

(三九) 新製堅陰止搏湯方

(四〇) 加減膠艾湯方

(四一) 新訂白薇湯方

(四二) 二陳二妙湯方

第四節 婦女帶下方按

(四三) 濟陰丹方

(四四) 小胃丹方

(四五) 蒼柏樗皮丸方

(四六) 人參黃耆湯方

(四七) 加味四物湯方

(四八) 六味地黃湯方

(四九) 知柏地黃湯方

(五〇) 五苓散方

(五一) 益胃升陽湯方

第五節 婦人胎妊方按

(五二) 加味二陳湯方

- (五三) 乾薑人參半夏丸方
- (五四) 全生白朮散方
- (五五) 當歸貝母苦參丸方
- (五六) 子淋散方
- (五七) 新製萸貝清膈煎方
- (五八) 新製代羚羊角散方
- (五九) 牛馬二寶散方
- (六十) 滑胎飲方
- (六一) 膠艾湯方
- (六二) 安胎飲方
- (六三) 嚴氏紫蘇飲方
- (六四) 佛手散方
- (六五) 丹砂散方

中國醫學約編第七種婦科約編目錄終

中國醫學約編十種目錄

第六節 婦人產乳方按

- (六六) 加味開骨湯方
- (六七) 一味經驗滑胎飲方
- (六八) 柳洲救產催生湯方
- (六九) 新製代赭降胞湯方
- (七〇) 艾葉尿素坐熏法方
- (七一) 新製紫豆木耳海蜇煎方
- (七二) 加減桃仁承氣湯方
- (七三) 加味蠲飲六神湯方
- (七四) 新製豬背脊湯方
- (七五) 新製蒲公英煎方
- (七六) 新製豬膽曬湯方

中國醫學約編十種 目 錄

中國醫學約編第七種婦科約編

涇南 周禹錫 編述 隆昌 蕭尙之 參訂

中央國醫館 審定 同學 參校

天津李寶蘇
深縣張方與
天津孫靜明
鹽山張銘勳

緒言

婦科學者。研究婦女特異之生理病理診斷治療之學也。我國婦科。肇自黃帝養胎經。及素問女胎。惜無傳。仲景療婦人方二卷亦失傳。外臺秘要載黃帝與素女問答數條。對於婦人產乳疾病。詳有論及。金匱有婦人三十六病之文。及婦人妊娠產後雜病等篇。北齊徐之才逐月養胎方一卷。載入千金要方。巢氏病源一千七百二十論。其中論婦女病源。佔二百四十有餘。不過在當時學理單純。未列專科。故周禮醫師包括於疾醫之內。至唐代雖曾殷有經效產寶。李師聖有產育寶慶集方。陸子正有胎產經驗方。楊康侯有十產論。大抵

卷帙簡略。流傳甚少。迨宋陳自明婦人良方大全出。通行始有專書。自是以後。歷朝著述益多。代增無已。可見婦女一科。在古代醫學歷史上。佔有最重要之位置。史載扁鵲過邯鄲。聞貴婦人。即爲帶下醫。推知古人因時而用。不以專科顯。際此時代進化。科學日新。凡百學術。悉隨潮流而演進。婦科亦科學之一。對於婦女特異之生理和病理與診斷。有與男子不同之點。而治療則胎產經帶。更爲婦女所獨有。則有不得不另爲編述者。其他病理既明。則方可隨制。故不一一論列。非故爲簡略也。正欲同學博採廣求以進高深。則茲編之用心。灼然可見矣。

第一章 生理

易曰。乾道成男。坤道成女。夫男女之生成既殊。而體功之生理亦異。如經帶胎產。爲婦女所獨有。故欲研究婦科。當先明女子特殊之生理。茲約分如下。

第一節 生殖器之生理

生殖器者。誕發生存。蕃殖種屬之器也。約分內外二部。內部有卵巢輸卵管及子宮。外部有腔腔陰阜陰唇及陰核。卵巢造製卵珠。在十四以後。每月成熟一次。經輸卵管而至子宮。以備受胎之用。腔腔在陰阜之下。大小陰唇之內。子宮頸之外。內經謂之子門。腔口有縐襞之處女膜。外爲小陰唇。又外爲大陰唇。大小陰唇之間。縱溝上之中心。有陰核其大如豆。爲男女交媾時發生愉快之作用。此核小者性慾淡。大者情慾濃。若發育過度。則情慾不能自制。守禮教者。多發色情狂。鮮恥者必犯淫亂。更有先天性生殖器之構造異常。以致不能交合孕育者。有騾紋鼓角脈之分。

騾形生殖器 交骨如環。不能開拆。如騾之不能孕育者。西醫所謂胎盤畸形。如漏斗形是也。由於先天腎陰不足。不能發育骨骼。輕則不能受孕。重則不能交合。間或受孕者。必有產難之憂。此則非專門產科善施解剖取胎者。不能爲功也。

紋形生殖器 腔腔瘰癧。或子宮轉位。致陰道屈曲如螺紋盤旋者。既礙交合。而精亦難射入。由於先天陽氣不充。經口。陽氣者。精則養神。柔則養筋。

。陽氣不能煦養於腔腔。則腔腔痙攣。陽氣不能託正其子宮。則子宮轉位也。

鼓形生殖器。處女膜堅韌如鼓皮。西醫謂之處女膜閉鎖症。其中祇有小竅通滿。以致不能交合。且使月經停著。結成瘰塊。西醫名血腫癰。有時因受瘰塊之壓力。或受藥力之攻衝。其膜驟然破裂而暴崩。間或有因此而得交合受孕也。

角形生殖器。陰核過大。性慾一動。自舉如角。俗稱雌雄人。由於生殖腺發育太過。宛如男性之莖。而腔口仍開於下面。交合頗感困難也。

脈形生殖器。月經終身不行。俗名暗經。由於子宮血管脈管構造特異。不能容留迴血。或卵巢輸卵管之構造畸形。不能生產卵珠。或子宮鎖閉。皆能使月經不來。且亦難於受孕者矣。

第二節 乳部之生理

乳有乳房乳頭乳腺乳汁之分。乳房屬胃。位於胸壁第二三兩肋骨之間。發育時期。與生殖器暨聲帶同時變化。中有乳瓣。外部隆起。分娩後。由水滋之

精微變化乳汁。得乳腺分泌。聚於乳頭而出。乳頭乳腺皆屬肝。乳汁之能流出而不凝者。全賴肝臟之疏泄。若肝病則乳腺滯而爲癆爲癰。

第三節 月經之生理

女子自二七之年。天真下合癸水。任通衝盛而地道下通。衝脈起於胞中。上麗於胃。胃中之飲食。變精微奉心化血。血液有餘。則循衝脈導行而下以入胞宮。血勝於氣。陰道又主下行。故上不生鬢髮。而下則月事以時下。其有二月一行者爲竝月。三月一行者爲居經。一年一行者爲避年。終身不行經而亦能受孕者爲暗經。此皆生理之不同。稟賦之各異也。

第四節 胎孕之生理

胎孕屬於胎生學。內經云。生之來謂之精。又云。兩神相搏合而成形。常先身生是謂精。又云。人始生先成精。精成而腦髓生。此種重大發明。在今日精蟲卵珠之說認爲最新奇者。而古聖早已言之於數千年以前（詳見楊如侯靈素生理新論）不過古今詳略微有不同耳。至若女子如何乃能受孕。暨胎成男女之原理。見本編治療章胎妊條。須加鉤考。茲從略。

第二章 病理

婦女之病理非常複雜。通常則以六淫浸於外。七情動於中。勞倦傷其氣。饑飽傷其形。其病理與男子尚無大異。若夫月經崩帶。妊娠產乳。往往變端叢起。疴癘蔓生。苟不約攬其要。惡能見病知源。茲分述如下。

第一節 月經不調之病理

女子自二七以後至七七之年。月事按月而下。不失其期。則爲無病。若十日以上至二十餘日一至者。謂之經期躔前。若三四十日或兩三月一至者。謂之經期退後。或前或後漫無一定者。謂之經期錯亂。皆爲病理。經期躔前者。多屬血熱。但有實熱虛熱脾虛腎虛痰火肝火溼熱瘀血八證之分。天暑地熱則經水沸溢。胃火熾盛則血熱妄行。此實熱躔前。陰虛生內熱而血流迅速。相火妄動而封蟄無權。此虛熱躔前。脾虛不能統血。氣虛不能攝血。此脾虛躔前。腎虛則封藏之本不固。精虛則經血妄行。此腎虛躔前。痰火擾動營血。脾腎失其統藏。故經躔前。肝火橫逆。血不能藏。故經期躔前。溼熱纏於子

宮。內膜發炎而迫血。故經期趨前。瘀血留於子宮。新血不能蓄藏。故經期趨前也。

經期退後者。多屬虛寒。但有實寒虛寒氣虛血虛肝鬱腎竭痰溼寒溼八證之別。天寒地凍則經水凝滯。卵巢冷則成熟期遲。此實寒退後。衝任虛則卵珠之營養缺乏。衝任寒則卵珠之成熟愆期。此虛寒退後。陽虛則陰無以生。氣虛則生化無權。故經期退後。血虛則新血無以代陳。故經期退後。氣爲血帥。血隨氣行。肝氣鬱結則血行遲緩。故經期退後。腎水虛竭則血枯經少。故經期退後。痰溼阻於子宮。陽氣不得宣通。故經期退後。寒溼浸於子宮。卵珠難以成熟。故經期退後也。

經期錯亂者。多屬氣鬱。或屬脾虛。鬱怒則肝火動而經亂趨前。鬱結則肝氣滯而經亂退後。脾虛則運化失常。衝任之精血盈虧無定。凡此皆能致經期錯亂也。且趨前者甚則爲崩爲漏。退後者多變經閉勞損。錯亂者或成癥瘕帶下也。

第二節 月經變色之病理

女子月經變色。變深者多屬血熱。却有實熱虛熱風熱溼熱鬱熱瘀熱寒溼寒極之分。實熱灼血則水液少而色變深紅。虛熱則血液虧而色變鮮紅。風熱盛則邪從陽化而血亦變深紅。溼熱蘊於子宮則經水腐穢而色亦變深紅。肝鬱化熱下灼經水其色亦變深紅。熱灼經水成瘀。其色亦變深紅。經水因寒而瘀。因溼而濁。其色亦變深紅。天寒地凍經水凝澇子宮而成瘀。其色亦變深紅黯色也。

變淡者多屬血虛。亦有心虛脾虛氣虛血虛虛寒溼熱痰滯氣滯之別。經謂中焦受氣取汁變化而赤是謂血。又論食氣入胃濁氣歸心淫精於脈。心虛則不能變赤而灌於脈故經色變淡。脾虛則水穀不化血而水溼下注。渾於經水之中而色亦變淡。陽氣虛弱者其色亦淡。陰血虛損者其色亦淡。陽氣虛寒者其色更淡。溼熱留戀於子宮濁雜於經水之中而色亦淡。痰溼水液下注於子宮其色亦淡。氣滯則血行壅滯。陽氣因以閉塞而經水亦變淡也。且變深者。血液不清。多兼帶下。變淡者。精微衰少。血液必枯也。

第三節 月經臭穢之病理

女子月經。熱則血腐而生臭。寒則血凝而變臭。且臭必挾溼。以霉溼腐爛必生臭穢也。若臭而內潰五色時下者。爲子宮癌。乃任脈壞之死候。

第四節 月經異量之病理

月經多者有氣虛血熱溼盛之分。少者有虛證實證熱證之別。氣虛不能攝血故增多。血得熱而妄行亦增多。水溼混入經中亦增多。虛則化源乏故減少。實則經水爲風寒氣瘀所阻遏亦減少。熱則經水灼枯而亦減少。多者須防其崩。少者須慮其閉也。

第五節 月經崩漏之病理

經行暴下不止者爲崩。淋漓不斷者爲漏。而致崩漏之因有六。其一氣虛不能攝血。其二氣鬱肝脾傷而不能統藏。其三血熱妄行。其四瘀血內阻。或攻破太甚。新血不得歸經而下注。其五腎虛不能閉藏。其六衝脈虛而固攝無權。斯六者。皆爲致崩漏之病理也。

第六節 月經停閉之病理

月經停閉者。以脾爲血液生化之源。脾虛則經水逐次減少而停閉。腎爲癸水

生化之根。腎虛則經水衰少而停閉。月經爲陳謝之血。血虛則新代之血少而停閉。瘀血阻於輸卵管。則經血不得下行。凝結爲癥而停閉。寒邪凝結於卵巢。生機不能發生而停閉。內熱灼竭陰精。經水乾涸而停閉。肝鬱氣結則津液血氣皆不流通而停閉。酸冷食物壅阻氣機而亦停閉。痰阻氣機亦能停閉。經適至而行房。積精阻塞血管而亦停閉。以上十者。屬於虛者治之可通。屬於實者治之未當。緩則變爲癥瘕。急則成爲崩下。或致疼痛昏厥。或成骨蒸羸瘦。故因經閉而死者。多屬實證也。

第七節 月經兼病之病理

月經兼病。有常期與臨時之分。臨時兼病。當按內科法治之。惟常期兼病。多因經期或產後之不慎調攝。病根種於奇經。故每遇經期而病隨發作。其一身熱。有因營血本虛。經行時則血愈虛。而孤陽外浮爲虛熱。有因邪伏衝任。經行引動伏邪。或瘀血漬入骨髓。經行骨蒸發熱爲實熱。其二寒熱。因憂鬱傷肝。營衛不達而寒熱者。爲內傷。因邪伏膜原。經氣不和而寒熱者。屬外感。其三身痛。經欲行而痛倦。或經後而痛楚者屬虛。衝任虛而客邪留戀。

。或血脈壅滯而經行不暢者屬實。其四腹痛。腹爲衝任之要區。經來而痛者。寒則氣血凝滯。熱則火氣迫急。虛則空痛。食則實疼。氣滯阻血。血瘀阻氣。皆能致痛也。其五嘔吐。腎虛胃熱者。經來時衝氣逆上而嘔吐。脾虛痰阻者。則經來時痰飲水逆而嘔吐。其六吐血。經期吐衄。皆屬肝旺。肝氣旺則血隨上逆。肝火旺則火衝血逆。其七便血。經來便血。名曰錯經。由於溼熱蘊積於子宮。內膜腐穿而溢血。因食熱物過多。熱毒內蘊。陰陽失調。積久而成者也。其八泄瀉。經行泄瀉。由於脾經虛寒或虛熱。及肝陽侮脾。溼勝而濡。故於經血趨下之時。相併下注而爲泄瀉也。

第八節 帶下之病理

經謂任脈爲病。女子帶下稠聚。蓋任脈起於胞中。連於臟腑。爲陰脈之總司。主臟腑之營運。西說稱爲植物性神經。其神經受風寒溼熱痰瘀氣滯之刺激。或任督氣化功用之虛弱。皆能致任脈不固。脈管中之津液下注而爲帶也。

第九節 白淫之病理

經曰。思想無窮。所願不得。意淫於外。入房太甚。宗筋弛緩。發爲筋痿。

及爲白淫。白淫者。男子爲遺精。婦女則似帶而實非。以帶下爲子宮任脈之陰液。白淫爲卵巢督脈之陰精。因相火而洩者。則夢魂不安。因腎虛而滑者。則無夢自出。患此不治。有夢則傳爲風消息賁。無夢則成爲勞瘵虛損也。

第十節 白濁之病理

白濁爲膀胱尿道之病。與男子之淋濁同。西人稱爲膀胱內膜炎。有因溼熱蘊於下焦。致膀胱之水液渾濁而成者。有因交接不潔。淫毒釀菌。腔腔發炎。併尿道口而成者。有因心虛而小腸之泌別不清。致膀胱之水液腐濁內膜發炎而成者。有因腎虛而分泌不清。膀胱之水液渾濁內膜發炎而成者也。

第十一節 癥瘕之病理

陰氣積而不散有形者爲癥。陽氣聚而無定假形者爲瘕。或因氣滯。或因血瘀。或因寒凝。或因痰停。或因食積。或因燥結。又寒氣客於腸外。與衛氣相搏。癖而內着。則爲腸覃。寒氣客於子門。閉塞惡血。則爲石瘕也。

第十二節 臟躁之病理

臟心藏也。心靜則神藏。若爲七情所傷。則心不得靜。而神躁擾不寧也。故

喜悲傷欲哭。悲則心系急。是神不能主情也。象如神靈所憑。是心不能神明也。數欠伸。喝欠也。喝欠頓悶。肝之病也。母能令子實。故證及也。(一說臙躁爲子臙乾燥胞宮之脈絡不能上通心肺。證之甘麥大棗之主治。實有未合。故未可從)

第十三節 咽嚮之病理

婦人情性熱著。不能寬解。多被七情所傷。遂致氣填胸臆。胸滿而心下堅。或如梅核。上塞咽喉。故咽中帖帖有如炙肉。甚者滿悶欲絕。此鬱氣凝涎而生也。

第十四節 轉胞之病理

腎主作強。兼司濾尿。膀胱爲腎之腑。亦司排泄。位於胞宮之前。胞爲熱所迫。或交合過度。腎氣下泄過甚而胞不能舉。下墜而壓迫膀胱。致輸尿管絞紐而不得溺。由是下氣上逆而倚息。上氣不能下通而煩熱不得臥。病不由於中焦。故飲食如故也。

第十五節 陰病之病理

病在下部者爲陰病。婦人子宮有敗精帶濁流出未洗。或與有淋濁下疳梅毒之男子交合。致陰部生瘡。肝脈繫陰器。胞脈通於心。故陰瘡爲心肝兩經之病也。風寒氣客於子門。則爲陰腫。溼熱注於子宮則爲陰癢。寒溼入於陰中則爲陰冷。肝火下迫則爲陰痛。相火與溼熱蘊結不得宣洩則生陰挺。溼熱蘊結血鬱化毒則生陰痔。若大便結而不暢。陽明下行之氣不得從其故道。而乃別走旁竅。故爲陰吹。或肝氣鬱結而疏泄失常。或爲痰溼阻滯。或爲瘀濁壅阻。致穀氣不得後通而前通。故陰吹而正喧也。

此外婦人三十六病。皆屬於婦科病理之範圍。已詳見本編第二種病理約編茲不贅。

第三章 診斷

夫審察疾病之確實謂之診斷。在臨證上已爲最難。而尤以診斷婦女爲更難。蓋婦女以經帶胎產爲獨有之病。亦往往誤認爲最可耻之病。問之不言。言之不盡。且遇脂粉積習未除者。則望色不真。而音嬌性柔者。又聞聲不確。四

診缺三。僅憑指下辨脈。豈不難之尤難乎。故古諺有云。寧醫十男子。莫醫一女人。是誠經驗所得之言也。茲編雖蒐采近代婦科診斷之學說爲多。然亦要以不限乎古今而切合臨床實用者爲歸宿。知其難而在在留心。則庶乎其不差矣。約述如下。

第一節 月經不調診斷法

月經上應乎月。每二十八日一行。又兩日半乃盡。恰合一月三十日零半日之數。經常不變。以應月之由晦起朔由盈而虧也。因卵巢所產之卵珠。每月成熟一次。熟則輸入子宮。新陳代謝。經三十時辰兩日半而陳謝之廢血乃盡。若有相差。則爲月經不調。經期遲前者。實熱則色深而多。虛熱則色淡而少。脾虛則色淡延綿不止。證見食少便溏。腎虛則色淡而少。證見頭眩腰痛。痰火擾動營血。則色淡黏稠。澱前而多。肝火擾動營血。則色紅澱前而且熱。溼熱蘊於子宮。則黃濁澱前而不爽。少腹必痠痛。瘀血留於子宮則紫黑成塊。一月再見而不暢。經期退後者。實寒則少腹冷痛而拒按。虛寒則少腹冷痛而喜按。氣虛則退後而經水淋漓。血虛則退後而經水淡少。肝鬱氣滯則少

腹痠痛而經水成塊。腎竭陰虧則腰骨痠痛而經色鮮豔。痰溼阻經如屋漏水而心胸嘈雜。寒溼阻經如黑豆汁而臍腹疼痛。經期錯亂者。由於平日氣鬱。則經行之前。少腹痠痛。或兼胸悶嘔噦。或兼乳房脹痛。或兼兩脇脹痛。脈必弦細或鬱滯。由於脾虛。則經行之時。多兼泄瀉。或素有便溏。或胃納不旺。或食不易化。脈必濡緩或虛弦。更有食少則血衰而退後。食加則血旺而趨前。怒動肝火則血熱而經期趨前。氣鬱肝腺則血滯而經期退後。此則臨時所發生之錯亂也。

第二節 月經色素診斷法

月經之色。紅而微黯如赭者爲正色。若月經變色。實熱則濃厚深紅。虛熱則清薄鮮豔。風熱則紫黑深紅。溼熱則紫黑帶腐。鬱熱則紫黑成片而潮熱。痰熱則紫黑結塊而腹痛。若紫黑而光亮枯燥。脈數舌絳。大便結燥者。大熱之證。紫黑而黯淡滑潤。面白脈遲。少腹疼痛者。大寒之證也。

第三節 月經臭穢診斷法

月經之氣。略帶腥臭。以排泄物本有穢氣也。若穢氣太重者。則爲有病之徵

。經水臭如腐肉。稠黏穢濁。脈數苔黃者。此血爲熱腐之臭穢也。經水臭如敗魚。清澈腥穢。脈遲苔白者。此陽虛寒凝之臭穢也。若臭穢而雜見五色膿血時下者。此任脈內潰之子宮癌證。爲必死之候也。

第四節 月經異量診斷法

月經之來。由少而多。每次約量七八錢以至三四兩許。體熱血旺者量較多。體寒血虛者量較少。若平常少而忽多。色稠黏深紅者爲血熱。色清稀淺紅者爲氣虛。色溷濁淡黃者爲溼盛。若素常多而忽少。或因風寒阻滯則脈證俱寒。或因熱邪灼乾則脈證俱熱。或因飲食漸減肌肉漸瘦經血漸少者。爲虛勞之漸也。

第五節 月經崩漏診斷法

月經崩漏。崩者如山冢峯崩暴然崩下。漏者如漏扈難塞時時漏下。暴崩多熱。因血熱則妄行。久漏多虛。因血去多則內匱。若悲哀恚怒過甚。胞絡絕而肝火內動。而赤而脈必弦數。憂思抑鬱太過。肝脾傷而藏統失司。腹痕而脈必弦澹。三陰虛熱之崩漏。舌必光絳。衝任虧損之崩漏。脈必虛細。陽氣內

虛而陰血不能固攝者。脈弦芤少腹定寒。瘀血內阻而新血不得歸經者。脈澹實少腹痠痛。更有體豐痰阻經閉。迨日久積多致崩者。或因血脈阻滯經閉。由攻破太過致崩者。須於臨診時細辨之。又崩漏與濁血不同之點。崩漏之血出於子宮。時時自下而不能主。濁血出於膀胱。挾尿同出而能自主。此則問診方知也。

第六節 月經停閉診斷法

月經停閉。約分十種。脾虛經閉者。漸行漸少。證見食少便澹。腎虛經閉者。漸至不來。證見腰痠頭眩。血虛經閉者。由漸閉止。證見頭眩心悸。面白皮枯。脈象虛細。血瘀經閉者。證見少腹疼痛。痛而拒按。按之有形。脈象沉澹。寒結經閉者。少腹冷痛。洩清脈遲。熱結經閉者。少復熱痛洩熱脈數。氣阻經閉者。脈弦澹腹脹且痛而噯氣噁心。食阻經閉者。脈遲滑噯酸腹痛。而拒按。痰阻經閉者。因形寒體肥。飲食衰少。而帶下綿綿。精阻經閉者。由經期行房。少腹痛。而小溲淋漓。至於室女寡婦。師尼經閉。多由情慾內熾。思想不遂。脈必弦出寸口而上魚際也。

第七節 月經疾病診斷法

常期月經之疾病。經前發熱。頭痛骨楚。苦膩脈滑者。爲伏邪阻於衝任之實證。骨蒸身疼舌紫脈濡者。爲瘀血漬入骨髓之實證。經後發熱。上午熱甚。而經多脈大者。爲氣虛之證。下午熱甚。而經少脈細者。爲血虛之證。經期寒熱。往來如瘧。日三四度發。證見胸悶脇痛腹疼且痠者。爲肝氣內鬱。若見頭痛骨楚口苦咽乾者。爲伏邪內阻。經期身痛。在經行時終日身痛者。多屬血脈壅滯。或伏邪逗遛。在經行後時痛時止者。多屬血脈空虛。或氣血兩虧。經前腹痛。形寒肢冷。脈弦遲者爲寒。經後腹痛熱而脈弦數者爲熱。經後腹痛。按之略輕。脈虛細者爲虛。經行腹痛拒按惡食吞酸而脈弦滑者爲食。經前腹痛且痠。胸悶噯氣而脈弦濡者爲氣滯。經後腹痛而痠。少腹有癥而脈細濡者爲瘀血。經期前後嘔酸吐食。口苦苔黃而脈弦數者。爲肝胃火旺。嘔痰吐水口淡苔白而脈遲滑者。爲寒飲內阻。經前吐衄。多因肝陽上逆血隨氣升。必見氣逆嘔噦。胸悶腹痠等證。經後吐衄。多因血虛火旺。肝陽上衝。必見顏紅唇赤。口苦舌絳等證。經期便血。多因先患腸癰內痔。澀血多

因先患淋濁帶下。亦有由內膜腐穿。至經行時前後之血齊下。經期泄瀉。派遲微沉細。舌淡苔白薄膩。泄瀉而完穀不化者。爲脾虛寒。若暴注下迫。派虛細而數。舌苔黃薄微膩者。爲脾虛熱。脈濡滑舌苔厚膩腹滿泄瀉者。爲濕困脾。脈弦滑舌光紫腹痛泄瀉者。爲肝乘脾。若臨時受寒傷食而腹痛泄瀉者。則屬於雜病門。而非月經之兼病也。

第八節 婦女帶下診斷法

風寒阻於子宮。則脈遲苔白。形寒腹痛而下白帶。濕熱蘊於子宮。則脈數苔黃。胸悶腹滿而下黃帶。痰溼流入子宮。則體肥食少而下白帶。瘀血停於子宮。則腹痛痠硬而下赤帶。氣滯則腹痕攻痛而帶多。氣虛則崩下如米泔。血虛則白帶按月如經而下。且面無血色。腎虛不能攝精。則帶下而背冷脊疼。任虛不能攝液。則帶下而少腹裏急。且有數齡女童而患帶下者。此任脈稟賦虛。但亦於挾溼挾寒挾熱者。必當詳察病狀而診斷之。勿拘執於成見也。

第九節 婦女白淫診斷法

白淫有有夢與無夢之分。有夢若與男子交媾而洩出白淫者。爲相火內熾。無

夢而白淫自滑洩者。爲腎臟內虧。間亦有相火熾而無夢自洩者。又有腎水虧而反有夢洩出者。則必須參合四診。而後能斷之也。

第十節 婦女白濁診斷法

白濁從膀胱而下。與尿同出。實者溺時管痛。尿液黃濁者爲溼熱。若陰中癢痛。尿液紅濁者爲溼毒。虛者心悸澀數而下白濁者爲心虛。頭眩腰痠而下白濁者爲腎虛。臨證之際。辨別不可忽略也。

第十一節 婦女癥瘕診斷法

癥者堅硬不移。有形可徵。瘕者聚散無定。假氣成形。氣滯則脈弦滑而脹痛有形。攻動無定。血瘀則脈細澀而癢痛有形按之不動。寒凝則脈弦緊而形寒腹冷疼痛有形。痰停則體豐痰多胸痞泛噯。食積則吞酸噯腐。腹痛有積而不移動。燥結則口溫便秘。皮乾肌枯。腹痛有塊而不移動。腸蕈（按字曲覃與蕈通。腸之病。當是腸外生病蕈。（省作菌）故改作蕈字以顯明之）則大如雞卵。漸如懷子。按之則堅。推之則移。月事時下。石瘕則惡血當虧不瀉。蠅以留止。日以益大。狀如懷子月事不以時下。瘕則痛在臍旁。狀如弓弦。瘕則

痛在脇下。隱僻成形。寒疝則痛在少腹。病痛攻衝。凡此皆統屬於癥瘕也。

第十二節 婦女臟躁診斷法

臟躁者。心臟煩躁。心胞之脈絡。不能潤養心肺。則肺虛而悲傷欲哭。心虛而神昏象如神靈所作。肝虛而數欠伸。其脈搏必弦而小急也。（此條與前小異宜參）

第十三節 婦女咽嚥診斷法

咽嚥者。咽中帖帖。如有炙燻，爲痰氣鬱阻於任脈。任脈會於咽喉。故爲噎哽而多兼帶下癥聚。其脈搏必似滑似滯鬱而不揚也。

第十四節 婦人轉胞診斷法

婦人胞宮下墜。壓迫其輸尿管。故緣尿而不得溺。致下氣上逆。上氣不能下達。甚至尿毒混入血中而煩熱不得臥。反倚息。却飲食如故。其脈搏必沉微也。

第十五節 婦女陰病診斷法

陰病者。生殖器外部之病也。經曰。諸痛癢癢皆屬於心。蓋胞脈上通於心。肝脈過陰器。故陰瘡皆屬心肝之火氣鬱結。如梅毒下疳爲相火淫精蘊釀而成。

。毒伏血中。心肝皆受其病也。陰腫有三。肝氣入於厥陰之絡。即經謂因於氣爲腫也。風熱留於陰唇之際。即經謂風勝則腫也。寒氣客於子門之外。即經謂寒傷形形傷腫也。陰痛爲肝火鬱於陰戶。氣血不得流通。不通則痛也。亦有新嫁交合所傷而痛者。古名嫁痛也。陰痿爲肝經溼熱下注於腔腔陰唇之間。溼熱蘊釀而生蟲。則爲陰蝕而痿也。陰挺由相火與溼熱蘊結。以致陰核腫大。挺出於陰戶之外。其狀挺直如陰莖也。陰痔由久坐溼地。及障污穢之則。致濕毒與熱蘊結於小陰唇外大陰唇內。如肛門之發痔核相同也。陰冷爲寒溼客於陰器或陽氣不足。陰中清冷。而不能受孕。甚則月事亦停閉而不下也。陰吹由胃氣下泄。大便秘結。矢氣不從肛門而泄。轉從陰戶而出。故陰吹而正喧。或因肝氣鬱結。致氣不能通洩於大腸。轉從陰道而疏泄也。婦人三十六病。即千金謂十二癩九痛七害五傷三因也。此診斷婦女之大約。與本編病理似重複而實微有詳略之不同也。幽隱之病。難泥一定之脈。故從略也。

第四章 治療

夫男女生理雖有不同。而抱陰負陽。食味被色。則皆同也。故婦人患外感內傷各病。治法悉同於男子。應求之內科各書。惟經帶胎產。爲婦女所獨有。不得不另立治法。茲將經期不調。經水閉塞。經血崩漏。及帶下胎妊產乳之治療法。約述如下。

第一節 經期不調治療法

婦女月經。雖隸屬於衝脈。而以心脾爲主統生化之源。蓋衝爲血海。起於胞中。上麗陽明。水穀之精微奉心化血灌溉諸經之餘。由衝脈導入胞宮。是爲經血。一月一次。故名月經。西說女子十四歲後。卵巢之內分泌液充盛。卵珠之生殖機能成熟。刺激其下腹腔之交感神經節。引起其骨盤內之充血。於是子宮之充血過甚。則由細毛管而滲出。子宮之作用增加。則其分泌之黏液亦增多。所謂月經者。即漆液與滲出之血液混合而成也。卵珠每隔四星期而成熟一次。故月經亦約四星期而一行。其有過期而至者。爲經期退後。屢體

虛。必審其脈證俱虛。腹無痛苦者。方可與四物湯方一加參耆以補氣而生血。少佐桃紅以助其活潑。若因寒冷凝固。而卵珠不易成熟。或因憂鬱過甚。而神經不易興奮。或因脂肪太多。而血液不易流通。皆能使月經退後。切不可妄投補藥。

更有血分燥熱。血液乾枯。而經期退後者。當清血潤燥。亦不可妄投歸芍參耆等溫補。有不及期而來者。爲經期超前。屬血熱。宜四物湯輕加苓連。重加薇茹以清熱養血。若因虛勞太甚。神經衰弱。而不易收攝血管。或因憤怒太過。神經興奮。而不易節制血行。或因宿瘀留戀。以致充血太過。或因痰溼停留。以致吸收乏力。皆有經期超前之可能。不可拘執血熱之常例。經將行而鬱滯不通作痛者。宜四物湯以赤芍易白芍。丹參易地黃。再加元胡丹皮肉桂牛膝青皮香附桃仁紅花茺蔚子爲佳。經行後而血虛作痛者。宜八珍湯方二重用當歸加元胡索。能飲者以黃酒煎藥尤效。

至於經水之色。紫而臭穢脈洪數者屬熱。紫而清腥脈遲澀者屬寒。淡而黏膩脈滑者屬痰。淡而清稀脈虛者屬虛。是又不可不細辨也。若寒客血室。瘀血

凝滯不行。新舊相搏。經凝作痛。繞臍寒疝痛甚者。宜邵氏溫經湯方三加香附元胡鬱金等藥溫經而理氣。經水淋漓不斷。斷後復來。腹脹瀉滯作痛脈實者。宜加減四物湯方四以理氣化瘀。設成腹不痛痕而脈虛者。則宜調補氣血爲主。用參香八珍湯方五臍腹滿痛。癥瘕寒疝。脈證俱實者。宜大延胡散方六若脈證俱虛者。宜青附金丹方七純虛者。宜當歸生薑羊肉湯方八經水注下不時。五色相雜。冷痛日久者。宜伏龍肝散方九內潰五色有膿氣時下而多者。爲子宮痛破潰。風不治。先經停而後身腫者。古名血分。爲瘀血阻礙淋尿管。津液不得流通。水血相雜。泛濫爲腫。宜調營湯方十祛瘀利水分別調理之。若體虛不任攻者。宜天仙籐散方十一加玉版桂車前仁益母草等辛溫香燥之藥溫經理氣爲主。俾氣行則血行。而瘀血停水自消矣。

經水當期不下。血錯上逆。爲吐爲衄。俗名倒經。舌絳赤脈弦數者。爲火載血上。宜犀角地黃湯方十二加生牛膝大黃炭以導血下行。得大勢稍平。即改用他藥。若過用寒涼。反致瘀血留戀。而變生經閉骨蒸之害。經血被火搏入大腸。有如血痢腹痛者。宜吳氏桃仁承氣湯方十三若氣鬱血虛。乍寒乍熱。內熱

潮熱。腰膈痠滿。經候不調。脈沉弦者。宜丹梔逍遙散方十四加減。經水適來。因熱邪陷入血室而搏結不行者。必有瘀血。再察其腰脇及少腹有牽引作痛拒按者。必以清熱消瘀爲治。便通者宜加減小柴胡湯方十五清消之。便閉者宜桃仁承氣湯加甲珠虜蟲攻下之。尤須加當歸生地玄參麥冬養血滋陰以固其本。如因邪熱傳營。逼血妄行。致經未當期而至者。必有身熱煩躁不臥等證。宜清熱以安營。如白虎加生地黃湯。方十六羚羊地清營湯方十七甚則犀角地黃湯加黃連琥珀。皆可隨證酌用。

如經水適斷而受邪者。因經行已盡。則血海空虛。邪遂乘虛而陷入血室。當養營以清熱。宜生地四物湯去川芎。加白薇丹皮桑葉銀胡地骨皮等輕清潤濡之。若兼心跳肢厥。昏厥如尸者。宜四逆散合白薇湯方十八主之。若兼神譏如狂者。牛黃散方十九最妙。若兼腰脇及少腹滿痛者。宜大柴胡湯方二十加桃仁赤芍。以逐血室之邪始愈。若延久不愈。上逆心包。胸中痺痛。即陶氏所謂直結胸也。宜桂枝紅花湯方二十一加楞蛤桃仁。方中桂枝只用一二分。取其辛潤溫通。若下結血室。少腹痠痛者。宜新加絳覆湯方二十二辛潤通絡以逐之。

若其證且明夕味。夜更神昏低聲囁語。如見鬼狀。甚有當面與言若罔聞知。而戶外之事反能聞之見之者。蓋因熱邪灼血。血液耗盡。肝爲藏血之臟。最惡血燥。肝血既燥。又加水枯津竭。腎水不足以涵濡。肺津不足以灌溉。肝遂不能自藏其魂而飛揚外越。此名曰離魂。離魂則出入無時。故戶外之事。皆能聞且見之也。宜小柴胡湯。以青蒿易柴胡。領血室之邪外出。再加生地當歸。參麥冬以養血救陰。山梔澤瀉導血室之邪下行。勝說以爲出路。少腹有寒按之而痛者。加赤芍桃仁。蠶甲龜板以化瘀滋陰。

如伏邪初發。而經水自行者。不必治經水。但治其伏邪而病自愈。蓋病本未犯血室。故經行如常。仲景所謂勿犯胃氣及上二焦必自愈者。正指此。非謂不用藥而待其自愈也。總之凡治婦女之發熱病。但見其晝日明了至夜則見譫語者。即當詢其經期。以杜熱入血室之漸。

至若師尼寡婦。獨陰無陽。慾願不遂。相火內動無常。陰陽交爭。乍寒乍熱。絕似溫瘧。久成勞怯。經水不調。白淫雜下。頭眩腦滿。肢瘦力疲。肝脈弦出寸口者。爲陰盛之候。宜注重心理療法。或婉言勸戒。或鄭重警告。使

其放棄一切思想。俾火不妄動。投劑方能有效。否則非藥石之所能療。若有兼病。則當兼治。但須審其先後緩急。標本不失。斯爲良工。此約述婦女經期不調之治療法也。

第二節 經水閉塞治療法

經曰。二陽之病發心脾。有不得隱曲。女子不月。其傳爲風消。其傳爲息責者死不治。蓋二陽病者。指手足陽明之經。非指胃腸也。以陽明主肌肉。又爲多氣多血之經。而忽肌肉弗榮。氣血衰少。見病雖屬二陽。其發病則自心脾。以心之官則思。脾之官亦主思。心脾爲思慮所傷。脾不主運化。心不主化赤。經血之來源乏絕。在女子故爲不月。是有不得遂其隱衷折之事所致也。若傳爲肌肉乾槁之風消。喘息責迫之息責。則死不治矣。按即古今以來相傳之想思病是也。心理療法。最爲上乘。怨女可治。思想亂也。在舊式家庭。爲父母者。靡得其情。可不哀矜而早爲之擇配乎。癡女不治。思想專一。廢寢忘餐。墮人情網。不能自解脫也。亦可哀矣。藥物療法。在大肉未脫。盡以前。加減滋營養液膏方廿四庶盡人事。蓋女人月經不行。惟此證最難治也。

其他亦當求其脈何以閉而不通之原因。審其所宜而施治。不可一見經閉而概投下藥通經之藥。若但血虛而不得流通者。宜二六時中酒方廿五養血通經月中白朮。若因七情所傷。神經抑遏而月經閉結者。宜越鞠丸方廿六以疏鬱結。他如古皮仲皮夏夏厚樸紫蘇旋覆花川象貝竹仙人杖鬱金元胡揀實車前仁等。皆可隨證選用。或七氣湯方廿七尤佳。但血虛而燥者。不宜過用香燥之藥。宜與一貫煎方廿八車厘歸地以解鬱通經。若脂肪過多。經際壅閉。軀體滿塞而經閉者。宜首烏導痰丸方廿九加川芎。痰多者仿子和法先予吐劑。尤爲速效。若體虛者。經閉而溼熱熾盛者。宜丹梔逍遙散方十五加減。若胃熱中消。血液不生而經閉者。宜白虎加入參湯方三十先治中消。中消愈則經自至矣。若經閉血滯而痛者。宜紅花當歸散方三十一加醋炒大黃車前仁紫石英等藥。使下部充血。經自通矣。若經血閉滯而腹滿者。宜玉燭散方三十二或大黃蟄蟲丸方三十三桃核仁氣湯方三十四竹可選用。若血海虛冷而經血凝滯者。宜溫經湯方三十五兼用紅花肉桂以陳酒行營前除量溫飲之。半月至一月可愈。若因氣滯不通而經不行兼脈數者。宜分心氣飲方三十六加香附厚樸烏藥琥珀桃仁車前仁以行氣通經。更有

一 身性皆因絀。空質懸魯。而脈道不通。月經阻而不行者。宜用桂心細辛菴
茸瑣龜鹿角蛇床川椒丁香油陽起石鬧羊花等與奮子宮神經之藥。消息投之。
此則婦女經水閉塞之治療法也。

第三節 月經暴下治療法

月經暴下者爲崩。淋漓不斷者爲漏。暴崩多熱。久崩多寒。初治宜止塞以治
其流。中治宜涼血以澄其源。末治宜補血以復其舊。此古人論治崩分新舊先
後之大法也。然暴崩亦有屬氣虛而寒者。久崩亦有屬血虛而熱者。初治早用
止瀉。恆有留瘀變病之虞。中治妄投寒涼。間有傷中增病之害。末治專補其
血。恐有獨陰不生之弊。必當詳察脈證。分別施治。不可拘泥古人之說。其
間惟元氣不足。暴崩後去血過多。全身機能失養。血空氣竭。細胞渙散。勢
將虛脫。宜大服獨參湯方五或柳洲續命止崩湯方六急進以挽救之。若崩後手
足逆冷。口鼻氣微。脈搏微弱或虛數。此因下血太多。陰損及陽。氣隨血脫
。若不急救。頃刻身冷汗出而死矣。宜用加味續命止崩湯方七峻補肝腎之真
陰。略參溫煦。以留戀陽氣。此誠大崩血脫氣盡。出死入生之急救良法也。

服一二劑後。崩止肢溫。脈搏漸起。即去附片。加天麥冬生地秦歸。參集靈膏法。滋肝腎以收功。此爲血脫益氣救陰救陽之大經大法。亦爲治陰損及陽之權變法也。

其有貧苦之家。平日操勞過度。憂思不已。營養缺乏。神經衰弱。因血管壁之神經不能收攝血液而爲崩漏者。其證多兼面黃氣短。食少便澹。因其腸胃內膜之神經亦虛。而消化之機能亦弱。即古人所謂勞倦傷脾。脾虛不能統血。故下血多者。又名崩中也。宜大劑歸脾湯方八加清阿膠懷山藥竈中黃土以補虛攝血。然而富貴婦人。毫無勞動。履厚席豐。恒患血崩。此何故耶。良由飽煖思淫。驕侈多怒。淫怒過度。陰液虧乏。不主涵蓄。則神經興奮。血液妄行。即古人所謂陰虛陽搏之崩漏也。宜新製堅陰止搏湯方卅九以養陰涼血。鎮靜神經。若但因勞傷血氣。致月經過多。漏下淋漓不已。臍腹疼痛而綿綿。喜用手按者。乃血虛而痛。與血瘀而痛之痠硬拒按者有別。宜溫養血氣。加減膠艾湯方四十主之。往往婦人在天癸將絕之年。或五十左右。崩漏不止。久延不愈者。衝任血海空虛有火。不能攝納。橫決爲害也。宜養血清火。病

自漸愈。新製白薇湯^{方四}調之。切忌濫用溫熱峻補。以耗竭其未盡之真陰。致令死者多也。

其他經脈錯亂。不循故道。瘀血內阻。血不歸經。而爲崩漏者。既不可蠻補。妄瀝以留瘀增變。復不可過投寒涼以傷伐生氣。宜止中帶行。引血歸經。養血藥中。加蒲黃拌炒阿膠珠川芎炭荊芥炭玄胡炭山查炭丹參炭生三七細末等。最爲合法。有因憂鬱太過。氣血鬱結。以致血鬱於下。不得流行於週身。變爲崩漏者。其證胸痺氣塞。多噫腕阻。或腹滿如孕。或臍腹疼痛。或血結成片。或血出則快。止則悶。宜用解散鬱結法。如象川貝生熟香附竹仙人杖水竹茹合歡皮瓜萋皮鬱金砂仁烏藥黑木耳全瓜絡等類。舒肝解鬱以治之。此約述婦人經血崩漏之治療法也。

第四節 婦女帶下治療法

經曰。任脈爲病。女子帶下痕聚。夫任脈起於子宮。帶下從子宮而出。以其綿綿如帶而下。故名帶下。其實非帶脈之爲病也。蓋津液流行則爲氣。停著則爲溼。溼著於肺則氣管枝發炎。肺氣不能敷布水津而生痰。溼停於子宮則

子宮內膜發炎。任脈不能固攝氣液而生帶。痰與帶皆津液停著爲溼之分泌物。故凡化痰之藥。皆可移治帶下。以其有減少炎性分泌物之能力。但白帶猶痰。赤帶猶痰中帶紅。治白帶以化痰爲主。治赤帶以化痰而兼清血熱爲宜。用二陳湯合三妙丸^{方四二}主之。白帶再加白朮檀香附葶炭。赤帶再加黃芩丹皮黑梔川貝。有因他病而兼患帶下者。當先治其他之病。病愈則帶下自止。瘠瘦之人患此。多屬血熱。宜濟陰丹^{方四三}加黃芩焦礞丹皮生地白薇白芍苦參等藥。以徹熱。肥胖之人患此。多屬溼痰。宜小胃丹^{方四四}行痰蠲熱。如肥盛婦人帶下多年不育。服此有特效。若體肥氣虛。雖有痰溼不任攻下者。可服蒼柏樗皮丸^{方四五}或蒼莎導痰丸^{方廿九}亦能緩緩取效。虛弱之人患此。肌瘦潮熱倦怠。腰脊痠疼無力。帶下淋漓不已。偏氣虛者。宜人參黃耆湯^{方四六}加龍牡烏鯛澤瀉貝母止帶下化痰溼。偏血虛者。宜加味四物湯^{方四七}主之。若腎陰虛而兼溼火擾任者。宜六味地黃湯^{方四八}加炒黃柏海螵蛸車前子以通塞互施。若肝腎陰虛而相火逼任者。宜一貫煎^{方廿八}加女貞子炒黃柏清養並重。

其有所願不遂。相火妄熾。帶下如精狀者。爲白淫。蓋白淫與白帶不同。白

帶爲子宮陰液之分泌。白淫乃卵巢陰精之遺洩。白帶時時而下。白淫有時而下。而其感覺與男子之遺精相同。多因慾念手淫及房事而成。夫男子遺精。以有夢無夢分虛實。女子白淫。亦當以火旺陰虛判盛衰。治宜滋陰降火。知柏地黃湯方四九主之。陰虛者加生地白芍。兼君火亦旺者。宜再加黃連辰砂。其有下如米泔者爲白濁。蓋白濁與白帶亦不同。白帶爲子宮及膾腔病。故西人名曰子宮內膜炎。白濁乃膀胱及尿道病。故西人名曰膀胱內膜炎。且白濁初起。多兼小溲瀉痛。其白物與尿同出。而與白帶之時時而下者不同。宜五苓散方五十合二陳二妙治之。熱重者。瞿麥篇蓄滑石車前山梔生草海金沙生貫仲等藥均可酌量加入。兼毒者。土茯苓生槐角生槐花等尤宜重用。

其有下如黃漿或如血水。不時而下。病久莫能禦止者。爲脾虛不能固攝陰液之帶下。宜升陽益胃湯方五一藉升散之力。以消散子宮炎腫。補氣之品以固攝任脈陰液。或加荆芥炭防風炭以消散炎腫。半夏象貝以減少炎性之分泌。取效尤速。然非久病脾虛。大忌補中益氣。蓋陰虛於下者不宜升。陽虛於下者更不宜升。凡治婦女各病。當先熟慮及此。庶免有誤。此約述婦女帶下之治

療法也。

第五節 婦人胎妊治療法

女子自二七之年。天真下合癸水。腎上之內分泌腺強盛。下至胞中。發展其任衝二脈。任脈通而精至。衝脈盛而經行。於是按月新陳代謝。乃能孕毓生子。至胎之成男成女。則基於男性精蟲之雌雄而定。當其交媾之時。男子所射之精液。含有無數精蟲。皆奮勇前進。攻入女子健全之卵體。強者存而成胎。弱者亡而流出。但其強者之中。又有雌雄之異。雄精蟲強攻入卵珠。則成男胎。雌精蟲強攻入卵珠。則成女胎。然雌雄精蟲攻入卵體之先後。必視乎男子原動力女子吸引力之強弱而判別。在此際其男子之情慾熾盛。原動力較吸引力強。則雄精蟲恃勢直入。女子之情慾熾盛。吸引力較原動力足。則雌精蟲感應先奔。儻一經攻入。則卵體立闔。不再容許有強有力者之攻入。其孿生或品胎四胎者。皆為同時並體攻入。非先後入也。此胎成男女之原理。試觀華人與西女結婚而生子者。目必黑而髮必烏。西人與中女結婚而生子者。髮必黃而目必碧。又觀佩雄精而生男子。從前視為迷信者。今則漸以科

學之方法證明其有至理矣。蓋雄黃稟至陽赫赫之精。佩之於身。以氣相感。不啻爲雄性精蟲樹幟。故有增加雄性精蟲之勇力。並能減退雌性精蟲之活動也。

受胎之婦。卽爲妊婦。妊娠一月。足厥陰肝氣養之。妊娠二月。足少陽膽氣養之。妊娠三月。手厥陰心包養之。妊娠四月。手少陽三焦養之。妊娠五月。足太陰脾氣養之。妊娠六月。足陽明胃氣養之。妊娠七月。手太陰肺氣養之。妊娠八月。手陽明大腸養之。妊娠九月。足少陰腎氣養之。妊娠十月。足太陽膀胱養之。手少陰心主化血。手太陽小腸主化穀。水穀之精微奉心化血。各月俱賴心與小腸之營養。故不分主某月也。診斷受胎之屬是屬非。切宜明察乎脈之與證。脈象滑利和平。而無弦勁濇伏等病脈者。卽內經所謂身有病而無邪脈也。經停之後。病吐逆而寸脈不浮。關脈不弦者爲孕。寸脈浮者爲痰多。肝脈弦者爲肝亢。皆爲病也。病惡寒而人迎不盛。則非傷寒而爲有孕。病惡食而氣口不盛。則非傷食而爲有孕。此身有病而無病脈也。經停之後。脈雖滑數而身不發熱。脈雖動搖而心不動悸。則爲有孕。此身無病而

有病脈也。經停之後。面無病容。二三月之間。則病頭眩嘔吐。心胸憤悶。不欲飲食。喜食酸鹹。腰腹腿臀之脂肪組織多較肥滿。乳下腹部之妊娠紅紋逐漸顯露。乳頭轉褐。小溲頻數。此有孕之確證也。

妊娠惡阻。嘔吐而惡聞食氣者。多屬於痰。實而熱者。宜加味二陳湯^{方五二}虛而寒者。宜乾薑人參半夏丸^{方五三}妊娠浮腫。氣悶喘息者。爲胎水泛濫。宜全生白朮散^{方五四}兼表證者。加豆卷紫蘇開毛竅以泄表溼。兼欬嗽者。加蘇子杏仁順肺氣以降痰濁。兼氣喘者。酌減人參。兼腹滿者。宜去白朮。脹悶甚者。加枳殼砂仁以開胸脘。小溲閉者。加澤瀉豬苓以利膀胱。如小溲帶澀。心煩悶亂者。爲膀胱蓄熱。宜當歸貝母苦參丸^{方五五}重者爲子淋。宜子淋散^{方五六}若痰熱聚瞞。躁悶不安。身熱嘔噎者爲子煩。宜新製萸貝清膈煎^{方五七}妊娠卒倒。口噤流涎。手足拘攣者爲子痲。宜用新製代羚羊角散^{方五八}以清胎熱。鎮肝陽。蠲痰濁。如胎已八九月者。宜滑胎飲^{方六〇}加赭石旋覆沉香枳殼茯神半夏貝母萊菔橘絡石決明等。用催生之法以滑下其胎。胎下則母子俱安。妊娠下血爲胎漏。宜膠艾湯^{方六一}加黃芩白薇藕節以柔血管清血熱。然有受孕之後

。仍按月下血而不多。且無他證者。爲垢胎。亦名激經。乃生理之異常。非藥石所能治也。有因體弱而起居失宜。神經鬱結。胎盤血行不暢。而胎動不安者。宜安胎飲方六二加砂仁以安之。有因寒邪食積。氣鬱胃炎。而心腹痠滿疼痛。胎氣逼胸者爲子懸。屬氣鬱及虛寒者。宜紫蘇飲方六三去川芎加葱白。理氣和血以止痛。屬食積及實熱者。又當分別治之。若胎氣漸升至胸中。忽然狂叫欲死。病名子上撞心。即子懸之最重者。宜本方加旋覆代赭急救之。遲則立死。

大抵子宮有溼熱者。宜用黃芩。胎熱者宜用白薇。中焦有寒溼者。宜用白朮。榮養不足者。宜用山藥。神經鬱滯者。宜用砂仁。腰腎鬱血者。宜用杜仲續斷。審證投藥。按法施治。胎病而累及其母者。胎安則母病自愈。母病而胎不安者。病去則胎自安。切不可拘執安胎之成法。經謂婦入重身有病。以毒攻邪。有故無殞是也。若偶因跌仆。傷動胎元。血下痛而昏絕者。宜佛手散方六四頻飲之。痛止則胎自安。胎殞則自下。尤須視其妊婦之舌。若舌青吐沫者。爲胎已死。宜一味丹砂散方六五下之。其他證候治法悉與男子同。惟感

伏邪。必須治之於早。則熱不深入而傷胎。當汗當清之證。固當速治不待言。尤以速清爲首要。而當下之證。更不可遲。若因妊娠忌下傷胎之說。因循遲誤。則胎受熱蒸。其胎必墮。故一見裏證。宜速清下之以安其胎。夫胎既因邪而不安。去邪即是安胎。但加清養血分之藥。如生地白薇白芍之類。則無妨矣。蓋有病則病受之。此歷驗不誣者。若失下而至舌黑腰痛。少腹下墜至急。左尺脈伏。則其胎將死腹中。且不止於墮矣。此時下亦墮不下亦墮。然下之而胎墮。妊婦猶可救十中二三。不下則妊婦必無生理。胎亦不能獨存。同一墮胎。而此善於彼。况速下而胎未必死乎。但當明言於病家而後施治。惟芒硝則常慎用。以其專主傷胎。非大實大熱大燥不可輕試。此約述婦人胎妊之治療法也。

第六節 婦人產乳治療法

天地之大德曰生。蟲魚鳥獸。莫不各遂其生。未聞有難產者。是生產固化育之常。而人類或不免於產難。或致死亡者。其純任造化之自然不及蟲魚鳥獸也。所謂天下本無事。庸人自擾之是。試觀古今中外之私生子。有一難產者

乎。無有也。審是則吾國自古相傳之臨產六字訣。一曰睡。二曰忍痛。三曰慢臨盆。信之者。真可以消患於無形。完天地之大德矣。雖然此亦但言其造化之常。而人事之變竟有難產者。則不得不略施治療以補偏救弊。除先天性生殖器異常以致難產外。厥惟臨產恐懼憂思。皆能令氣怯而不行。閉結而不開。此種難產。最居多數。心理所關。不僅初產之婦爲然也。宣展氣機。撐開腹壁。紫蘇飲方六三加貝母旋覆花主之。若兒頭已抵產門。骨盤不開而胎不下者。實由產婦先天下焦真陰不足。致令骨盤狹小。而又血液不充。不能撐開骨盤。充潤子門。故胎不下也。加味開骨湯方六六主之。此惟初產之婦爲然。胞水已下。兒尙稽留遲滯者。產道枯澀也。一味經驗滑胎飲方六七主之。若水衣下後。而產婦神疲欲寐。體倦不勝。胎兒時催動時止息者。乃腎虛不能作強。肝虛不能疏泄。又血疲枯涸。致胎瀆不下也。朱治或治不得法多死。柳洲救產催生湯方六八主之。此則體弱或數產之婦爲然。若胎兒下地後。胞衣留滯腹中。數日不下。心煩意亂。時時欲暈者。爲血液乾枯。黏連不下。或敗血流入胞衣中。以致脹大難下。或元氣疲憊。氣虛力怯。子宮不能縮復。

。而不能下。或天寒而血道凝滯。胞衣不出者。新製代赭降胞湯方六九主之。外用艾湯尿素坐熏法方七十新產惡露不行。或過多不止者。子宮血管不能調整也。新製紫豆木耳海螵煎方七一主之。

又新產臥枕務宜稍高。俾便惡露下行。若因產婦疲倦已極。掀枕平臥，酣眠熟睡。醒後惡露頓止。蘊釀癘菌。由下上衝。神經循環。呼吸各系器。悉蒙其害。發生腹脹嘔逆氣喘昏狂。古稱三衝險證。不急治殺人者。加減桃仁承氣湯方七二主之。若雖現讖語昏狂嘔逆等證。而惡露仍行者。是痰涎未得與惡露齊下。迷擾神經也。加味蠲飲六神湯方七三主之。新產三星期以後。惡露漸淨。按小腹柔和。不痙滯澀痛。更無其他兼發等病者。宜用食補之法。以恢復其喪失之真陰。新製豬背脊湯方七四主之。並宜多服爲佳。雞肉組織緊縮。雖有連輟筋骨之功能。但性溫燥。煽動肝陽。最宜少食。勿隨俗大啖而貽害也。

若產後乳子。或外因兒口發炎。或內因肝鬱氣結。皆能令乳腺不通。乳汁難於輸出。愈積愈多。且因體躬之營衛亦起抵禦之作用。而發寒熱。致乳部脹

滿。紅腫疼痛。甚至腫大且堅。如瓢如甕。最易腐潰化膿。病名乳癰。在初起即宜急以清宣疏泄兼以解毒。俾其速速消散。宜內服新製蒲公英煎方七五外用十倍硼酸水時時洗之。可免化膿腐潰之虞。若產後乳汁雖有。而或少或清。此先天腎上內分泌腺之作用不旺。後天脾胃生化之來源缺少也。宜用食養療法以補充接續。新製豬脂躑躅湯方七六主之。多服自然乳汁稠濃。身體壯健。此約述婦人產乳之治療法也。

第七節 結論

經帶胎產之證治既已約述。而其他兼發之病未能一一論列者。則詳載婦科各書。宜善爲博觀而約取。惟胎前多有溫熱暑等伏邪。乘產後體虛。或挾痰瘀未淨而陡發。已爲數見不鮮。或兼新感逗引。則身熱微惡寒。而兼頭痛鼻塞。或但發熱不惡寒。與產後之血虛陽浮發熱者最易相混。苟不細心鑑別。每多誤治。診察之法。其脈象雖不甚顯露。惟舌苔則頗有可徵。或白厚而膩。或黃膩黃燥。或有赤點。或微苔舌赤。或口苦。或口渴。或胸悶。或腹熱。惟胸腹必按之熱甚。宜用清透開化之法。佐以蠲除痰瘀。自然應手取

效。

故專門婦科。不可不兼通內科各書。以廣其治法。便宜細心遍讀古今以來各名家之醫案。以窮其變化。古謂治經者必兼治羣經。而後專治一經。然則治專科者。必兼通各科。庶免病多道少之患也明矣。此則各科皆宜然。亦不但婦科專門也。附贅於此。質諸明達。然乎否耶。

第五章 方按

第一節 經期不調方按

(一) 四物湯和劑局方調補血液法

生地黃四錢 杭白芍三錢 南坪歸三錢 老川芎一錢

按地入脾腎。芍入肝脾。歸入心脾。芎行血中之氣。心生血。肝藏血。脾統血。腎納血。婦女以血爲主。四物皆血藥。故爲婦科血分病之主方。全在隨證加減。切勿拘泥於成方也。

(二) 八珍湯和劑局方平補氣血法

野臺叁四錢 焦白朮三錢 雲茯苓二錢 炙甘草一錢

熟地黃六錢 杭白芍三錢 秦當歸三錢 老川芎一錢

按參朮芩草爲四君子湯補氣。地芍歸芎爲四物湯補血。二方合爲八珍。氣血兩補。但此一派滋補之藥。呆滯礙胃。恐妨消化。必佐以活動之品。如香附橘皮益母草等理氣活血之藥。補而能行。則功力益倍矣。

(三) 邵氏溫經湯邱步青方 溫通寒瘀法

秦當歸四錢 杭白芍三錢 老川芎錢半 粉丹皮二錢

野臺參三錢 玉版桂一錢 莪蓬朮一錢 粉甘草一錢

懷牛膝錢半

按本方從金匱溫經湯去吳萸半夏麥冬阿膠生薑。加莪朮牛膝化痰而出。治經水不調。繞臍寒疝痛甚。及經期或產後寒客血室。瘀血凝滯不行。新舊相搏作痛者頗有效。

(四) 加減四物湯本編驗方 理氣化痰法

秦當歸四錢 杭白芍三錢 老川芎二錢 荆芥炭三錢

丹 參三錢 製香附三錢 鬱 金三錢 生三七錢半研沖

按本方用四物去生地之滋膩以生血行血。加丹參香附鬱金三七以理氣行瘀。更加荆芥炭以引血歸經。故治月經不調。或淋漓不斷。斷而復來。血滯腹中作痛。屬實者。有特效。

(五) 參香八珍湯 蘇生白方 調補氣血法

丹 參四錢 白 朮三錢 茯 苓三錢 黃 耆三錢密炙

製香附四錢 熟 地三錢 酒白芍三錢 當 歸三錢酒洗

按婦女經水不調。或淋漓不斷。或斷後復來。虛性者多屬血虛而鬱。血鬱生熱。往往虛不受補。熱難任清者。投以此方。恒有捷效。其妙處全在補氣而兼開鬱。養血而助流通。誠以女子善懷。每多憂鬱。又每月有事於血。故恒血虛。本此意以製方。有善體人情者也。第解鬱之藥。莫如貝母。無論虛鬱宜開養。實鬱宜通泄者。皆當重用以迅奏膚功也。

(六) 大延胡散 溫通開破複法

元 胡三錢 棟 實三錢 橘 核三錢 木 香三錢

三稜錢半	莪	朮錢半	大黃錢半	油	樸三錢
檳榔二錢	赤芍五錢	玉桂一錢	川芎二錢		
茯苓三錢	甘草錢半				

按本方治臍腹滿痛。或癥瘕寒疝。血氣攻痛。脈證俱實者。宜之。方中留玉桂而去桂枝者。妨其辛溫發散太過。釀癥散爲膩之變也。

(七) 青附金丹 蘇聖百方 攻補兼施法

青皮四兩用硝石五錢化水浸 香附四兩童溲浸 丹參四兩薑汁浸

鬱金二兩用生礬五錢化水浸

以上四味共研細末。醋丸如麻子大。灑上阿膠水。搖令光澤。再用

人參一兩 白朮二兩 茯苓二兩 炙草五錢

製半夏二兩 新會皮五錢 當歸一兩 川芎一兩

以上八味研極細末。以米飲泛在光澤小丸上作外廓。曬乾。每服三錢

許。

按此薛一瓢方。緣虛弱人患癥瘕痰癖有形之病。不可任施攻下。故用此爲

緩消之計。妙在以六君歸芍爲外廓。使藥入胃中。將不知有攻消之性味而胃氣不傷。迨漸消化。則對證之藥已至病所。俾病去而正不傷。誠女科要方也。

(八) 當歸生薑羊肉湯張景岳方 溫養氣血法

秦當歸三兩 生薑五兩 羊肉一觔

按經行腹痛寒疝。及脇痛裏急。痛而喜按。按而喜熱。面色皸白。脈虛弦者。此血虛而神經失養。起虛性之疼痛也。本方加玉桂阿膠砂仁溫通滋補之品。尤有捷效。

(九) 伏龍肝散 溫寒虛滑法

當歸四錢 川芎錢半 白芍三錢 麥冬三錢

玉桂一錢 乾薑一錢 陳艾一錢 甘草一錢

另以 伏龍肝三兩 赤石脂二兩 同搗細煎湯澄清水煎藥

按本方治衝任脈虛。經水不時注下。或如豆汁。五色相雜。腰腹冷痛。腎虛寒帶下亦頗有效。

(一〇) 調營湯

祛瘀利水法

當歸三錢

川芎二錢

赤芍三錢

玉桂一錢

元胡三錢

白芷錢半

細辛五分

大黃二錢

葶藶三錢

瞿麥三錢

莢朮錢半

檳榔三錢

大腹皮三錢

桑白皮三錢

新會皮三錢

茯苓皮三錢

甘草皮錢半

按本方治瘀血留滯。血化為水。四肢浮腫。皮肉赤紋。脈證俱實者宜之。若兼虛者。當以辛溫香燥溫經理氣為主。蓋氣行則血自行。而瘀血停水。均得自然消化矣。

(一一) 天仙籐散

辛香理氣法

青木香三錢

廣木香三錢

生香附三錢

天臺烏三錢

紫蘇葉三錢

新會皮三錢

生薑三錢

甘草錢半

按本方治瘀血阻礙於淋巴管。致津液不得流通而為腫。如前證之體虛不任攻者。再加玉桂車前益母草尤效。

(一三) 犀角地黄湯

清涼血熱法

鮮地黃八錢 赤芍藥六錢 粉丹皮四錢 犀角二錢磨沖

按本方治經水不調。火載血升。爲吐如潮湧。爲厥如瀉。蓄血色黑。舌質紅絳。脈弦數者。方可暫投此方。再加大黃炭生牛膝各錢半。以導血下行。使其血不錯行上逆。庶有利而無弊。若大勢稍平。即宜改用他藥。切勿過用此等寒涼之劑。恐致瘀血留戀。而變生骨蒸經閉等證也。

(一四) 吳氏桃仁承氣湯男奇方 瀉火行血法

桃仁泥四錢 生大黃三錢 芒硝三錢

當歸續三錢 牡丹皮三錢 赤芍三錢

按本方治實熱經閉。血被火搏。滲入大腸。有如血痢。肚腹作痛者。投之即效。

(一五) 丹梔逍遙散女奇方 養血舒鬱法

牡丹皮三錢 焦山梔六錢 秦當歸三錢 杭白芍三錢

雲茯苓三錢 焦白朮錢半 竹紫胡一錢五分 薄荷葉錢半

粉甘草錢半

按本方治血虛氣鬱之各種證候而兼乍寒乍熱。或兼內熱發煩。或兼潮熱往來。月水不調。腰腹作痛墜脹。脈沉弦者。投此無不神效。其功用總不出乎養血舒肝以達鬱。然氣鬱者多從火化。故又清以丹梔。若挾痰溼而兼嘔噦少食者。則本方之丹皮歸芍朮草皆不可驟用。宜易以丹參香附半夏陳皮神曲。庶免增痞滿脹悶之虞。用者審之。

（五）加減小柴胡湯葉天士方 清熱消瘀法

竹柴胡八分 枯黃芩三錢 清半夏二錢 鮮地黃六錢

山查肉三錢 桃仁泥錢半 牡丹皮錢半

按本方於仲景原方去參草薤棗。加鮮地山查桃仁丹皮。治傷寒發熱經適至而熱入血室。搏結不行。其腰脇及少腹有牽引作痛拒按者。用之極效。若瘀血與內熱甚者。須磨沖犀角汁。

（一六）白虎加生地黃湯玉璣方 氣血兩清法

生地黃五錢 生石膏八錢 淮知母三錢

生甘草一錢 粳米三錢 荷葉包煎

按本方取白虎湯清陽明之熱。加生地黃救營分之陰。俾熱去而陰得復。則經期自按月而不妄行矣。方爲王孟英氏所發明。近出古本傷寒雜病論第十二稿中載之。可知方出仲景。而王氏之學。已高出二千年以下矣。

(一七) 羚地清營湯方傳信方 清熱安營法

鮮地黃五錢 青連翹三錢 金銀花四錢 山梔子三錢

生蒲黃錢半 生藕汁一瓢 熱童溲一瓢 羚羊角錢半磨沖

按邪熱入營。血壓高升而發熱。心爲熱灼而煩躁。且血熱肝燥而魂不能藏。則不得臥寐。血被熱逼而妄行。致經水未當至而至。用以清熱安營。效如桴鼓。

(一八) 四逆散合白薇湯何廉臣方 清養通達複法

紫血柴胡錢半 小枳實錢半 赤芍三錢 甘草八分

東白薇根六錢 西洋參一錢 歸身錢半 絳通一錢

按四逆散治陽氣內鬱而不得外達之肢厥。白薇湯治婦人血虛陽冒昏不識人

之血脈。兩方合而爲劑。再加絳通（俗名血藤）以通達其內外上下。使上胃者下行。內鬱者外達。故能治婦人經水適斷。血海空虛。邪氣乘虛陷入。心跳肢厥。昏冒如尸之危篤重證也。

（一九）牛黃散劑清溫去毒清熱攻痰法

黑丑牛一錢 生大黃五分 焦山梔三錢

廣鬱金錢半 生甘草五分

按本方治熱入血室。癆熱上犯心包。神識昏狂者。用以攻逐癆熱最妙。

（二〇）加味大柴胡湯葉天士方攻逐癆熱法

鱉血柴胡錢半 醋炒大黃三錢 酒炒子芩錢半

薑製半夏一錢 小枳實搗錢半 赤芍芍藥三錢

桃仁泥三錢 生薑一片 大紅棗二枚

按仲景大柴胡湯爲陽明少陽兼證之主方。方中柴芩半夏治少陽。枳實大黃治陽明。蓋少陽屬腎。衝脈附麗於陽明。經後血海空虛。邪乘虛陷入。由腎氣竄入少陽則腰脇滿痛。由衝脈竄入陽明則少腹滿痛。故用本方少陽陽

明兩經氣治。加桃仁赤芍以逐血室之邪。三路齊攻。一鼓而勝。此良醫授劑。不異良將用兵也。

桂枝紅花湯張天士方開通清化複法

桂枝尖一分 藏紅花五分 桃仁泥三錢 清炙草四分

瓦楞子末一兩 生薑一片 紅棗一枚 童便一大杯

按桂枝下咽。陽盛則斃。而熱入血室。延久上逆心包。胸中痺痛之血結胸證。是血分之熱。已有化火上炎之勢。而反用桂枝者。蓋取溫通之性。善宣心胸之結。只用一二分。而又制之以童便。潛之以楞蛤。佐之以桃紅。期投劑而血結立開。閉後即改用他劑。此即內經甚者從之之法也。

（一）清加絳覆湯醫家方通絡消瘀法

新絳三錢 旋覆三錢 青葱管五寸 歸髮錢半

桃仁泥錢半 柏子仁錢半 玄胡索三錢 川棟實三錢

烏鱔魚骨二錢

按本方於仲景原方加歸髮桃仁柏子以宣通肝絡。合金鈴子散苦降辛通。加

烏鬚骨深入下焦。則結於血室之邪。與瘀熱爲伍者。得此辛潤通絡以逐之。少腹之痠痛自愈矣。若再加牽牛槐實鼠矢甲珠用治精阻經閉亦效。又新
特亦名綠頭。內經名薰茹。

(三) 小柴胡湯張仲景方和解兼益氣法

竹柴胡一錢 薑半夏一錢 青子芩一錢 太子參八分

清炙草六分 鮮生薑八分 大紅棗二枚

按何秀山曰。半表證即往來寒熱。胸脇苦滿指在腠理之風寒而言。半裏證即口苦咽乾目眩。指在膽腑之裏熱而言。寒熱互拒。所以有和解一法。君以柴胡。解少陽在經之表寒。黃芩和少陽在腑之裏熱。猶恐表邪退而裏氣虛。故臣以半夏參草。和胃陽以壯裏氣而禦表。使以薑棗。助少陽生發之氣。調營衛以解表。蓋裏氣虛則不能禦表。表邪反乘虛而入。識透此訣。始識仲景用參之精義。蓋上焦得通。津液得下。胃氣因和。不強逼其汗。而自能微汗以解。此爲和解少陽風寒。助胃化汗之良方。本編以青蒿易柴胡者。取其芳香清透以領血室之邪外出。雖青蒿疏散之力不及柴胡。而其

清宣之功尤勝一籌。如小柴胡證之偏於熱重者。固可用青蒿以代之也。

第二節 經水閉塞方按

(二四) 加減滋營養液膏薛生白方滋養複宣暢法

霜桑葉四兩	甘菊花四兩	南燭葉四兩	雲茯神四兩
大熟地四兩	生杭芍四兩	當歸身四兩	黑脂麻四兩
黑稽豆四兩	明玉竹四兩	女貞子四兩	旱蓮草四兩
小麥芽四兩	大紅棗四兩	新會皮二兩	大粉甘二兩
焦黃蘗一兩	蓮子心一兩	川貝母八兩	生藕肉八兩
潼沙苑三兩	清阿膠三兩	白蜂蜜三兩	

右藥二十三味稱準。先將前二十一味分搗爛切碎。用井泉桑柴火熬膏。膏成加入後二味收起盜器盛貯。每日按卯午酉三時各挑服三四錢。用清水飲送下。大便溏瀉者。以帶心蓮子八兩易蓮心。

按二陽之病。心脾既爲思慮所傷。而相火復熾。用歸脾則嫌助火。用六味又恐礙脾。本方滋營養液。調以甘藥。尙合病機。第枸杞動陽。宜易黃柏。

以製充。複入蓮心大棗小麥芽生藕川貝母。則協諸藥以交心腎。寧神志。養心脾。助消化。舒鬱怡情。宣暢氣血。其功用又不止滋營養液已也。惟便瀉者。蓮心宜以帶心蓮子易之。

(二五)二六時中酒本編驗方養血通經法

獨支當歸六兩 西藏紅花二錢 陳年老酒一觔 晡時隨量溫飲之
按當歸油潤多汁。辛溫滋潤。單用重用。與復脈湯同功。藏紅花色赤味辛質潤。善入衝脈。而專通地道。引之以酒。刺激血液之循環。故治血液虛而不得流通之經閉。久服不輟。自能月事以時下也。惟血分素有熱者不宜。

(二六)越鞠丸 疏暢鬱結法

生香附四錢 川芎二錢 蒼朮二錢 梔子六錢
右研細末。神麴糊爲丸。麥芽煎湯送下。或用神麴麥芽各三錢作湯服。

按七情所傷。鬱結而不得發越。致傳化失常。因氣鬱而累及血滯經閉者。

用此以疏鬱結頗效。

(二七)七氣湯張仲景方 化痰調氣法

清半夏四錢 厚樸花三錢

雲茯苓四錢

紫蘇葉二錢 生薑五錢

按本方即金匱半夏厚樸湯。治婦人咽中如有炙臑。千金謂貼貼狀。吞之不下。吐之不出。由於七情鬱結。兼痰凝氣滯。阻於任脈所致。故以七氣名之也。

(二八)一貫煎魏柳洲方 養血柔肝法

北沙參三錢 寧夏枸杞五錢

大生地五錢

秦當歸三錢 連心麥冬三錢

棟實三錢

按本方爲魏玉璜清養肝陰之特效方。滋水柔肝。無出其右。蓋腎爲水臟。水能涵木。此中國醫學之妙義。證之西人學說。腎上腺之內分泌。能輸入肝臟而使之柔和。故肝得腎水之涵養則肝氣柔和。失腎水之滋濡則肝氣橫逆。柔肝必兼滋腎。猶之木必得水而生也。用棟實之苦降者。助其疏泄之

力耳。故善治胸脘脇痛。吞酸吐苦。疝氣癭聚。一切血枯肝燥之病。不獨解鬱通經也。

(二九) 加味蒼莎導痰丸

導痰通經法

蒼	朮	三錢	香	附	三錢	南	星	二錢	枳	實	二錢
茯	苓	三錢	橘	皮	二錢	半	夏	二錢	甘	草	一錢
川	芎	三錢									

按本方為普通治痰多之二陳湯加南星枳實為導痰丸。治脂肪充滿。經水滯塞之病。再加童叟炒香附蒼朮為蒼莎導痰丸。化痰利氣。厥功甚偉。更加川芎者。興奮其子宮之神經作用也。

(三〇) 白虎加人參湯醫部方清熱救津法

生	石	膏	八錢	淮	知	母	三錢	生	甘	草	一錢	粳	米	三錢
西	洋	參	三錢											

按本方治胃熱中消水穀之精微不能奉心化血。以致血液乾枯而經閉者頗效。方中宜再加生地石斛玄參麥冬等增液充津之品。至中消愈後。經猶未行。

者。可服六味丸一二月則經自行矣。六味丸即帶下門知柏地黃湯去知柏爲丸。

(三二) 加味紅花當歸散

溫通經血法

紅藍花三錢 秦當歸六錢 劉寄奴三錢 懷牛膝三錢
桂枝尖錢半 赤芍三錢 甘草錢半 紫葳三錢
蘇方木三錢 車前子三錢 紫石英六錢 醋大黃錢半

按本方治經血閉滯作痛。加車前大黃紫石英使其下部充血。俾子宮之積血充盈。則經自易通矣。

(三三) 玉燭散

寒通經血法

生地黃四錢 南坪歸三錢 杭白芍三錢 川芎錢半
生大黃三錢 芒硝三錢 甘草錢半

按本方四物之養血。合調胃承氣之攻下。是火燔其血經水不行。腹滿大腑不通者爲宜。如證非實熱。雖大解不行。亦勿妄用。

(三三) 大黃廔蟲丸 張仲景方 消瘀去著法

大黃一錢	土鱉五枚	蜜	蟲十枚	水	蛭十枚
鱗 鱒十枚	乾漆炭一錢	桃	仁十粒	杏	仁十粒
杭白芍四錢	乾地黃一兩	枯黃芩二錢	甘草三錢		

按本方治瘀血不去。成爲乾血。故匯萃動植飛潛攻破柔潤之藥而成方。俾乾著之瘀血化去。則榮養之新血自生。而經血自通矣。

(三四)加味分心氣飲本編驗方行氣通經法

紫蘇枝三錢	赤芍三錢	羌活錢半	木通三錢
半夏錢半	甘草錢半	茯苓皮三錢	新會皮三錢
青橘皮三錢	大腹皮三錢	桑白皮三錢	官桂一錢
天臺烏三錢	血塊珀三錢	生香附三錢	車前仁三錢
紫油樸二錢	桃仁泥三錢		

按本方從五皮飲化裁而出。治氣滯不散。經脈不行。兼腫脹者頗宜。方中氣分藥多血分藥少者。蓋以血由氣阻水停。水行氣化經自下也。

第三節 經血崩漏方按

(三五)獨參湯時方峻補急救虛脫法

吉林大參一大支 搗碎水煎頓服

按本方大補元氣以攝血。氣虛血脫。血脫而氣將盡者。用以挽救危亡於頃刻頗有殊功。

(三六)柳洲續命止崩湯魏玉橫方峻補肝腎真陰法

九製熟地四兩切絲 寧夏枸杞二兩 淨棗仁搗爛一兩

按本方爲魏之琇先生專救肝腎虧損。元海無根。氣短似喘。大虛將脫之證。重用熟地。無力之家。用枸杞棗仁各一兩以代人參。效如桴鼓。又用以治大崩婦人百餘皆驗。遵其法者。無不立效。真起死回生之方也。因新訂其名曰續命止崩。

(三七)加味續命止崩湯本方驗方峻補急救陰陽法

九製熟地切絲四兩 寧夏枸杞二兩 淨棗仁搗爛一兩

野臺參八錢 白附片四錢 清水阿膠五錢化沖

按大崩之證。血脫而氣將盡。陰亡而陽亦亡者。救陰救陽。先後緩急之間

。最難措手。加附片之辛熱回陽於甘潤滋滯之中。是參溫煦而非燥烈劫陰之比。收有利無弊之效。若一二劑後。肢溫陽回。即去附片。方中各分量。不妨減半。再加大生地天麥冬各八錢。南坪歸三錢。則爲集靈膏法。峻滋肝腎真陰以善後。自無反覆之虞矣。

(三八) 加味歸脾湯本編驗方 補脾統血法

野臺參三錢 生黃耆三錢 於潛朮三錢 雲茯神三錢
龍眼肉六錢 淨棗仁八錢 秦當歸錢半 遠志肉五分
廣木香五分 炙甘草錢半 懷山藥一兩 清阿膠三錢烱沖

另以 竈中黃土二兩搗細煮水煎藥。

按心脾爲主統生化之源。本方小補心脾。故善治下血崩中。加懷山藥以助其培養固攝之功。複入阿膠竈土者。宗仲聖治遠血之旨也。

(三九) 新製堅陰止搏湯本編驗方 清養潛攝複法

化龍骨三錢 生牡蠣三錢 生龜板二錢 紫貝齒一兩
大生地六錢 杭白芍三錢 白薇八錢 炒雅連一錢

焦黃柏一錢 槐花炭六錢 女貞六錢 清阿膠三錢

另以 淡菜二兩 熬湯代水煎藥

按婦人有事於夜。又每月有事於血。液體虧耗。比男子爲多。故其體恒虛。况復多怒多慾。以數擾其陽。耗竭其陰。勢必神經失養。而興奮太過。以致血液流行太速。爲崩爲漏。故用諸藥以養陰涼血。鎮靜神經。更加連柏之苦以堅之。淡菜貝齒之闌以攝之。收效敏捷。理固然矣。即用以治婦人交合過多。分泌排泄過甚。生殖器發生炎熱。自覺如湯燙火燒。乾枯澀痛者。亦一劑知二劑已。蓋以貝齒淡菜。酷類婦人之陰。且鹹腐氣味。故能深入下焦直達病所也。

(四〇)加減膠艾湯本編驗方 溫養血氣法

當歸五錢 生地六錢 白芍四錢 炙甘草二錢

荆芥炭三錢 艾葉二錢 清阿膠五錢另蒸化分次沖服

按本方治勞傷血氣。月經過多。淋漓不已。腹中疼痛。用以溫養。恰合內經勞者溫之(亦作逸)之旨。但婦女血虛陽易上冒。患頭眩者多。川芎升血

壓。有增重頭眩之弊。易以荆芥炭。不獨引血歸經。且有治愈頭眩之益。一舉可得兩益。故加減之。

(四一)新訂白薇湯本編驗方清養宣化複法

白薇根一兩 水竹茹五錢 大生地六錢 杭白芍三錢

秦當歸錢半 炒雅連一錢 胡黃連一錢 黃柏炭一錢

生雞子黃三枚分次調服 清阿膠三錢蒸化分次冲服

另以 淡海蜆一兩 黑木耳五錢 熬湯代水煎藥

按本方用白薇合四物二連湯加減。以養血清火填陰止漏。去人參者。恐其助氣動火也。去甘草者。嫌其甘緩留戀不能直達下焦也。去川芎者。亦畏其擾動血海爾。海蜆木耳不但清養血液。兼能宣氣化瘀。久崩不止。留瘀者多。古人久崩宜通之說。最有見地。然以視古方膠紅飲治老婦血崩。用紅花行瘀。一劑至八錢之多。則本方寓通於補。殊覺平穩神奇。

(四二)二陳二妙湯時方清化痰溼法

雲茯苓四錢 清半夏三錢 新會皮三錢 生甘草二錢

茅蒼朮三錢 焦黃柏三錢

按二陳治痰。二妙治痿。合而治帶。其理安在。蓋痿爲肺臟氣管枝炎及食道內膜炎之分泌物。帶爲子宮內膜炎及腔內膜炎之分泌物。二陳善化炎性分泌物。故治痰兼能治帶。痿爲骨節慢性炎。帶爲子宮慢性炎。二妙善消慢性炎證。故治痿並治帶也。

第四節 婦女帶下方按

(四三) 濟陰丹 魏君元方 化濁清熱法

蕎麥粉 雞子清和爲丸。每服四五錢。用苦參生地黃芩黃柏白薇白芍丹皮各等分煎湯送下。

按本方力薄效緩。藥引最爲得力。體質瘦弱之人。而患赤白帶下者。用之頗效。

(四四) 小胃方 朱丹溪方 行痰蠲熱法

大戟三錢 芫花三錢 甘遂三錢
大黃六錢 黃栢六錢

按本方治肥盛婦人溼痰滲下。以致白帶連綿不已。多年不育者。用粥糊爲丸。每服錢許。頗有功效。虛人忌用。

(四五)蒼柏樗皮丸

清化複溫灑法

蒼 朮三錢 黃 柏三錢 樗白皮三錢
白 芍六錢 良 薑錢半

按本方治體肥氣虛有痰溼而不任攻下者。前方太峻。用此緩緩取效。

(四六)人參黃耆湯

補虛調任法

人 參三錢 黃 耆三錢 白 朮三錢 雲 苓三錢
生 地四錢 當 歸三錢 川 芎二錢 白 芍三錢
鹿 角三錢 車前仁三錢 地骨皮三錢 甘 草三錢

按本方治久患帶下。面黃瘦削。潮熱無力。氣血兩虛者頗效。虛滑甚者。龍牡烏鰂骨皆可加入。以澀任止帶。若其病雖久。氣血雖虧。而痰溼終有未楚者宜本方再加澤瀉貝母。又不可專投補灑以增變。

(四七)加味四物湯

養血調任法

生地四錢 當歸三錢 川芎一錢 白芍三錢
 象貝八錢 焦黃柏三錢 炮乾薑五分 生甘草二錢
 楞白皮三錢

按本方治血虛帶下不已。體肥者宜加蒼朮半夏。兼氣虛者當加黨參黃耆。赤帶再加枯芩荆芥炭。

(四八)六味地黃湯錢仲陽方 清滋腎陰法

生地黃六錢 淨棗皮錢半 懷山藥五錢 雲茯苓三錢
 福澤瀉錢半 粉丹皮一錢

按本方地黃滋陰補腎。萸肉祕氣澀精。丹皮瀉君相伏火。澤瀉瀉膀胱水邪。山藥退虛熱滋脾陰。茯苓滲溼以通腎氣。合而為方。專治腎關失司。陰虛火浮諸證。若兼溼火擾任者。宜加黃柏車前烏鰂骨節通塞互施甚效。

(四九)知柏地黃湯北山方 滋陰瀉亢法

乾熱地六錢 淨棗皮錢半 雲茯苓三錢 懷山藥五錢
 福澤瀉錢半 粉丹皮錢半 白知母三錢 焦黃柏錢半

按陰虛者火必旺。但滋其陰不降其火無益也。故甘平之中參苦寒以瀉亢存陰。即是培生氣之道。然女子以肝爲先天。陰虛者宜加生地白芍以養肝。相火旺則君火不寧。宜加黃連辰砂以清君相寧神志也。

(五十) 五苓散張景岳方 方見內科約編

按本方治溼熱下迫白濁或下如米泔者。宜合二陳二妙以去其溼熱益效。

(五一) 益胃升陽湯李東垣方 升補複清消法

人參	三錢	黃耆	三錢	白朮	三錢	當歸	三錢
柴胡	一錢	升麻	五分	橘皮	錢半	甘草	二錢
神麴	三錢	黃芩	三錢				

按本方即補中益氣湯加神麴黃芩。治衝任虛損。脾胃中氣下陷。致穢水流。用此升提消散以固攝之。蓋補中升氣則不致下陷。消散炎腫則分泌自減。固攝任陰則氣液自固也。

第五節 婦人胎妊方按

(五二) 加味二陳湯本編驗方 清化開降複法

雲茯苓二錢

新會皮一錢

清半夏錢半

生枳殼三錢

刁雅連一錢

淨吳萸五分

紫蘇葉五分

旋覆花錢半

水竹茹三錢

生薑汁一滴

按妊娠胎元凝結。阻塞氣機。津液成痰。嘔心阻食。故名惡阻。用二陳枳殼以通胃化痰。旋覆以幹旋氣機。挾肝火而橫逆犯胃。故用左金。兼肺氣亦不行。故用蘇葉。竹茹薑汁。溫清並用。亦調和胃氣。使復其下行爲順之常耳。用治妊娠惡阻之屬實而熱者有特效。

(五三)乾薑人參半夏丸 聖神良方 溫中化痰法

太子參二錢

均乾薑二錢

清半夏四錢

按本方治妊娠惡阻。嘔吐不止之屬於虛寒痰飲上逆者。頗有特效。

(五四)全生白朮散

補脾行水法

人參二錢

白朮二錢

苓皮三錢

甘草皮一錢

大腹皮三錢

新會皮三錢

生薑皮錢半

按本方治子腫胎水泛濫。氣悶喘息。隨證加減。頗有效驗。如兼氣喘者。

酌減人參。兼腹滿者。慎用白朮。有表證者。宜加發汗解表藥。有效喘者。宜加順氣化痰藥。胸脘脹悶者。宜加理氣藥。小溲短少者。宜加利尿藥。隨機應變。庶克有濟。

(五五)當歸貝母苦參丸張仲景方濡養復清宜法

當歸四錢 貝母八錢 苦參四錢

按本方治妊娠小溲難。飲食如故者。功效甚著。藥只三味。而養血清火開鬱解結。取上取下。清源及流。面面俱到。非醫中之聖。其孰能之。

(五六)子淋散 清熱利尿法

雲茯苓四錢 淡竹葉六錢 帶心麥冬三錢 木通二錢

大腹皮三錢 大粉甘草一錢

按本方治妊娠小溲淋瀝作痛。尚屬有效。

(五七)新製葦貝清膈煎李時珍方豁痰清熱法

生薑仁錢半 瓜蒌皮三錢 天花粉三錢 川貝母三錢

象貝母三錢 生梔子三錢 蓮子心一錢 淡竹葉三錢

生甘草五分 水竹茹三錢

按妊娠痰熱聚膈。內熱心煩。悶悶不樂。故名子煩。心肺包絡。同居膈上。所名核實。新製此方。屢用達藥。奏效如神。

(五八)新製代羚羊角散本編驗方開豁清潛複法

雲苓神三錢 新會皮一錢 石菖蒲三錢 旋覆花三錢

清半夏錢半 製南星一錢 生薑霜三錢 天竺黃五錢

象貝母一兩 白薇根八錢 廣玄參六錢 鈎藤鈎三錢

生石決明細末二兩 生紫貝齒細末二兩

另以 雲莢四兩熬湯令蠶化代水煎藥 兌服水竹瀝一杯

按本方治妊娠頭項強直。筋攣脈急。語言蹇澀。口吐痰涎。不時發搐。不省人事。目睛口噤。昏愒不語。或時清醒。不久仍發。名曰子痲。古方用羚羊角散。但藥品龐雜。未敢引用。近賢治驗。多主用羚羊角煎湯。送服牛馬二寶散(真羚羊角八分至一錢煎湯。調西牛黃真馬寶各一二分。灌下)以鎮靜神經。開痰降逆。奏功甚捷。但藥品既珍且昂。無力之家。豈能

辦到。故新製本方以清胎熱。鎮肝陽。蠲痰濁。使上升之氣火俱潛。痰濁下趨。神經自平。病可漸愈。而藥價則便宜多多矣。惟真羚羊角擅清醜神經之長。在有力之家。力能辦到。用此方者。仍不妨磨入數分。以迅奏膚功也。若痰壅盛而痢發重者。方中再加楞蛤末二兩。效力益捷。

(五九) 牛馬二寶散

見前方新製代羚羊角散按中

(六〇) 滑胎飲

調氣和血法

當歸三錢

川芎一錢

雲苓二錢

白朮錢半

紫蘇梗二錢

新會皮二錢

生香附二錢

枯黃芩一錢

生甘草六分

按本方治八九月。因胎兒組織異常。排泄廢物過多。變為毒質。妊婦一身盡發其害。在肺則為欬逆。在心則為昏悶。在胃則為嘔噎。甚則刺激腦經而頭痛。再甚則神經麻痺而昏厥。前脛膀胱則澀少。後礙直腸則便閉。二便不通。則廢物更無出路。而成子痲者。惟有滑下其胎。母子均尙可活。倘再枯息養疴。不但胎兒不保。而妊婦之命亦恐難全矣。宜本方再加旋覆

代諸枳殼沉香茯神半夏貝母萊菔橘絡石決明等藥。捨此實無良法也。

(六一)膠艾湯張仲景方柔養衝脈法

當歸三錢 川芎一錢 白芍四錢 生地六錢

甘草二錢 三年艾五分 清阿膠三錢另蒸化分次沖服

按本方治妊娠腹痛漏紅有特效。蓋甘潤柔和之藥。能使血管柔軟。而無硬化破裂之虞。且使血液調和。無充血妄行之弊。則腹疼漏血之證自愈矣。惟胎漏多因血熱。宜加白薇枯芩藕節以清之。且藉以反佐芎艾之溫動也。

(六二)安胎飲 平補複清疏法

人參三錢 白朮三錢 黃芩三錢 甘草錢半

紫蘇梗三錢 生地黃四錢 當歸三錢 川芎一錢

白芍三錢 橘皮三錢

按本方再加砂仁一錢半。治妊娠體弱而起居失宜。神經鬱結。胎盤血行不暢而胎動不安者。頗有特效。但胎動之原因不一。更宜各求其所因而治之。不可膠柱鼓瑟也。

(六三)嚴氏紫蘇飲

宜疏調暢復法

人參二錢五分 當歸二錢五分 白芍二錢五分 紫蘇梗五錢
橘皮二錢五分 葱白拍破十四枚 大腹皮三錢 甘草五分

按本方治懷胎近上服滿疼痛。謂之子懸。去川芎之升竄。加葱白以通腸。純用撐法。使其腹壓開展。而胎自安。故不但治子懸證有特效。兼治臨產恐懼。恐則氣下。恐則精怯。怯則上焦閉。閉則氣逆。逆則下焦脹。氣不得行。產數日不下者。用本方仍川芎一錢。再加象貝母搗碎二兩。旋覆花五錢。急進兩三杯。無不立效。其功用全在宜疏氣機。開展腹壁。象能流動血液也。

(六四)佛手散

調暢血液法

全當歸五錢酒洗 川芎二錢 水煎服

按本方治傷動胎兒。下血作痛。服此則胎生者即安。胎死者即下。確有奇效。以歸芍善和血脈。血脈調暢。則胎之生者得血養而安。死者得血運而下也。

(六五) 丹砂散

鎮養血液法

辰州硃砂極細末三錢

黃酒一杯燉溫

一次頓服

按丹砂色赤質重。體堅性沉降。爲水銀硫磺天然化合物。故能入血而感動靜脈血之流行。增加動脈血之能力。血脈流通下降。則死胎自下。故有是效。若服而不效。更當求其不下之原因。參以臨時所現之脈證。補偏救弊。而胎自下。催生亦然。即治諸病亦無不然。不特下死胎也。

第六節

婦人產乳方按

(六六) 加味開骨湯本編方流動複開拓法

全當歸一兩

川芎三錢

頭髮炭少許

人指甲炭少許

敗龜板一塊(約重兩許者打極碎)

右用急火煎成大半碗頓服

按產婦骨盤狹小。阻礙胞胎。必致難產。古名交骨不開。在西法必須剖腹取胎。否則母子均死。若畏解剖危險。難策萬全。則惟有古方開骨散最稱平穩神奇。方中芎歸二物。爲活血行血之妙藥。髮名血餘。本經稱其能自還神化。用以內服。尤屬同氣相求。助歸芎以流動血液。自死敗龜板取其

得陰氣之全。合而爲劑。用以治初產婦人先天下焦陰氣不足。骨盤狹小而
又血液不充。致胎礙下者。無不立奏奇功。茲再加人指甲炭者。取其助敗
血板開拓骨盤。收效愈速也。古名爲散。於義未協。湯以盪滌。原取流通
。故改訂之。

(六七) 一味經驗滑胎飲本方滑潤催生法

生淨麻油四兩 通口頓飲

按妊娠臨產。水衣已下。胎澀難出者。古人發明一味淡煮豬肉湯。暨通津
救命至靈丹等本有奇效。然尙不及本方之簡便易行。收效更速者。滑潤以
救枯澀。爲天然之對證療法也。由屢經實驗而得。故新訂其名曰經驗。

(六八) 柳洲救產催生湯方強壯催生法

乾熟地四兩 全當歸四兩 寧夏枸杞二兩 急火煎成頓服或再服

按魏瑣先生治病。專究肝腎有獨到之處。本方即其驗案。治臨產婦人水
衣已下數日。而胎兒不出。斷爲腎虛不能作強。肝虛不能疏泄。又血液枯
涸。攻不下者凡百餘人皆驗之方。今試踵其法用之無不神效。真可以救產

婦催胎兒。不敢掠美。因新訂其名。

(六九)新製代緒降胞湯本編方化導鎮養複法

代緒石一兩

寧夏杞二兩

全當歸六錢

黑脂麻六錢

辰砂三錢

血靈脂五錢

黑荆芥三錢

懷牛膝六錢

按產婦胎兒已出。胞衣不下者。用頭髮一束。或鴨鵝翎刺激喉膈。打一嚥心。或盤盛米令滿。布包置產婦小腹上。用力向下推壓數次。其衣自下。兩法最為簡便易行。萬穩萬當。若皆不效。留滯腹中。必生危險。則宜急治。故用諸石之重以鎮降。助之以硃砂。導之以牛膝。則下行愈速。直達子宮。胎衣自下。而更用黑荆芥血靈脂以行瘀血。全當歸黑脂麻以助潤滑。尤必重用枸杞者。強心腎以縮復子宮。既迫胞衣之下降。更防下後大脫血也。

若服藥三四點鐘後仍未降下者。急用陳艾一大握。煎濃湯傾入尿桶內。扶產婦坐桶上。外以厚被圍之。須臾熱氣從產門透入。小腹鳴響。胞衣即下。蓋艾氣能興奮子宮之神經。尿氣能活動血液。神經興奮。血液流行。雖

已閉之關隘亦可使之頓開。氣雄力大。故有是效。語云。千方不如一驗。故爲亟錄。以廣流傳。

(七)艾葉尿素坐熏法 見前方新製代赭降胞湯方按後段中

(七)新製紫豆木耳海蜇煎本編驗方 調整子宮血管法

黑大豆三兩 用荆芥穗五錢同炒令烟出再用黃酒一碗淬乾去荆芥搗碎。
黑木耳一兩 漂淡海蜇二兩 右三味水煎令蜇化分次服

按新產惡露不行。固足爲病。而出血太多。亦屬危險。二者責之子宮縮復無力。不能調整血管也。究子宮之虛怯無力。由於下焦肝腎新虛。失其閉藏疏泄之職耳。黑大豆爲腎之穀。補腎而助閉藏。炒令焦紫。淬之以酒。入肝而助疏泄。荆芥同炒。用其氣性以引血歸經。取思邈元化之成方而化裁通變之。故下焦之血脈闔而不開。惡露不行者。能使之開。或過開而又流血太多者。又能使之闔也。木耳海蜇。不但柔肝養血。更能蠲痰化癥。且性清潤。用以調劑豆酒之溫。俾歸於和。溫清適宜。虛實兼顧。雖盛暑嚴寒瘦弱豐肥之體。皆適用而無流弊矣。且其性用柔潤攝納。又能預防血

虛則癭。陽孤上冒。液虧則大便難之產後三大證。若惡露雖行。小腹仍癢滯瀉痛拒按兼宿有癥塊者。血結太甚也。宜本方加血靈脂桃仁泥玄胡索各三錢。瓦楞子生研細末二兩以消去之。若大崩不止而時時暈厥者。血從下脫陽從上冒也。宜本方加眞阿膠一兩烱化。兌童溲一杯。分次服。以急救之。其他血熱者佐以清降。血寒者佐以溫通。神而明之。存乎其人。

(七二) 加減桃仁承氣湯本編驗方 峻降痰瘀法

桃仁泥六錢	酒大黃四錢	蘇方木三錢	血靈脂五錢
旋覆花三錢	代赭石六錢	辰硃砂三錢	血琥珀三錢
天竺黃五錢	石菖蒲三錢	鬱金子三錢	瓦楞子二兩
懷牛膝五錢	東白薇二兩		

按新產後惡露陡停。瘀菌上衝。神經循環呼吸各部悉蒙其害者。古稱三衝險證。宜用高者抑之之法。祛瘀而兼殺菌化痰。使瘀菌痰涎。悉從濁道下趨。頓下惡物。神經即平。諸恙自除矣。痰屬氣分。瘀屬血分。上衝之血病。無不累及氣分者。故兼用化痰之藥也。

(七三) 加味蠲飲六神湯本編驗方 蠲除痰濁法

硃茯神三錢 石菖蒲三錢 旋覆花三錢 新會皮錢半

清半夏錢半 製南星一錢 天竺黃三錢 瓦楞子二兩

漂淡海蜆二兩先煮化入藥劑 水竹瀝一杯分次沖入藥汁服

按昔賢發明產後必痰涎與惡露齊下。方得無病。若但血下而痰不下。諸病叢生。本方蠲除痰濁。治產後惡露雖行而昏譫。已爲無上名方。茲本臨牀積驗而再加二竹楞子海蜆。且茯苓則用有神者兼硃拌。協諸藥以開痰厥。潛浮陽。欲以收效於頃刻間也。

(七四) 新製豬背膂湯本編驗方 充實內體法

豬背膂二條 黑木耳五錢 懷光條二兩 雞子黃二枚

淡海蜆一兩 鮑魚一兩 墨魚四兩 淡菜二兩

海金鈎一兩 寧夏杞一兩 右十味燉極熟盡量多服或佐膳亦可

按婦人服房事之義務。盡胎產之天職。二者皆虧耗液血。若但虧無補。眞所謂瀝多則枯人。血多則殺人也。數產兼自乳者爲尤甚焉。嘗見未老先衰

。顏色憔悴。形容枯槁。而男子中年性慾方興未艾。每感興趣毫無。以致愛情日衰。積漸難忍。不能自克。終至毗離。世間慘痛。熟逾於此。害理忍心。不待言矣。家庭破碎。亦其悲哉。世有賢妻良母而不得免者。原因雖多。此其最大者也。心竊憫之。茲方之所由新製也。考吾國內經之謂天癸以窮其源。參合近說生殖腺青春腺等內分泌之發明以竟其委。取血肉有情液濃厚以恢復其下焦虧耗之真陰。不但能治血枯。兼能補充其內分泌。培養其青春腺。豐潤其肌膚。美好其顏色。多服久服。使其內充實。外光華。彼男子者。方且戀而愛之之不暇。有以知女性同胞受離異之慘苦。或因此而減少。詩云。靡不有初。鮮克有終。欲其有終。自謂誠苦心人哉。

(七五) 新製蒲公英煎本標驗方 疏通宣解複法

瓜蒌皮八錢

生薑仁八錢

瓜蒌根八錢

青連翹八錢

象貝母一兩

川貝母一兩

小橘核六錢

川棟實三錢

玄胡索三錢

赤芍三錢

粉丹皮三錢

瓦楞子二兩

另以 蒲公英金銀藤各四兩連皮絲瓜絡一箇煎湯代水

按乳房屬胃。乳頭乳腺屬肝。婦人媿後乳子。若因平日憂鬱過甚。肝經早失其疏泄之職。乘產後陰虛陽擾。抑或兒口發炎吮乳。皆能令乳脈不通。發爲癰腫。最屬危險。故在初起。即宜疏通解毒。大劑急進。可使漸消。遲必化膿。慎之慎之。

(七六)新製豬蹄踠湯本編醫方保健催乳法

豬大蹄一箇 豬前蹄一對 海金鈎一兩 懷山藥二兩

生落花生米六兩 右五味燉極爛隨量服食但鹽味宜輕

按乳汁雖屬陽明。藉資飲食。而實關內分泌腺之作用。若乳汁雖行而或過清過少。必賴飲食榮養以爲接輸。則薄者濃少者多矣。尤必培養其腎上之青春腺以強壯其內分泌之作用。是則本方用金鈎入腎之義。又不僅美其飲食灌溉陽明已也。多服久服。青春腺得養。陽明脈不衰。雖長保其健康美可也。吾國亞聖所謂居移氣。養移體。良然良然。

中國醫學約編第七種婦科約編終

中國醫學約編十種 婦科約編

中國醫學約編十種 婦科約編

#41

772228